





U
unpubl

914





1005-10

5771

Ա. ԶԱՐԴԱՐԵԱՆ

Հարսնակ

ՄԵՂՐԱԳԵՏ

ՏԱՐԻԱԿԱՆ ԸՆԹԱՑՔ

Ա. ՏԱՐԻ

[Յաջ. Տպագրութիւն]

ՎԱԻՆԲԱՑՈՒԱՆ ԿԵԴՐ. ՈՒՍՈՒՄՆ. ԽՈՐՀՈՒՐԴՆ

Բ 206

ՀՐԱՏԱՐԱԿ. "ԱՐՄԻԿ", ԳՐԱՎԱԶԱՐԱՆՈՅԻ

Կ. ՊՈԼԻՍ

Տպագր. Սահմագնեան

1919

12 APR 2013


0970

54288-ահ



41007-68

5721



(1874 - 1915)

Բարձրագույն ու անյօդքող՝ կանգնած էնք մահուան դէմ՝ մեր ահաւոր ցաւին հետ՝ որ մեր փառքն է միանգամայն եւ հպարտութիւնն ունինք պատմութեան աւանդելու դիւցազնութեանը՝ ամէնէն սիրալին, հպարտութիւնն ունինք յետագայ դեռ տառապող մարդկութեան փոխանցելու ազատութեան ամէնէն հզօր սարսուաները։

Ռ. ԶԱՐԴԱՐԵԱՆ

ԱՄԱՆԸ ԳՆԱՅ

Ամառը գնաց, եկաւ աշուն։
Կալը կամնեցին, յարդր կրեցին մարագը,
ցորենն ալ դիզեցին ամբարին մէջ։

Զաղացքները կը դառնա՛ն հա՛ կը դառնա՞ն,
ու ալիւր կաղան։

Նախիրը կանցնի հնձուած արտերուն մէջէն,
ու կը կրծէ խոզանը։


Այգիներուն խաղողները վաղուց հասունցեր
են։ Սև, կարմիր ու ճերմակ
ողկոյզները կերկնան կանաչ
տերկներուն ետևէն. այդե-
կութը մօտ է։

Քանի մը շաբաթէն կը
կթենը խաղողները. այդի-
ներն ալ կը դառնան խոպան՝
արտերուն պէս։

Օրերը, կամաց կամաց, կը կարճնան, և գի-
շերները կերկնան։

Արևը ա՛լ տաք չէ ամառուան պէս. երկին-
քին երեսը ամպեր կերկնան՝ կարաւան կարաւան։

Տերեները կը թափին ծառերէն ու թու-
փերէն. հովը կը քշէ զանոնք ու կըսէ.



— «Անցաւ Ամառը, Եկաւ Աշուն, շուտով
կուգայ Զմեռն ալ...»:
Եթէ պիտի գայ, թող շուտ գայ. թող շուտ
գայ՝ որ շուտ ալ երթայ:
Զմեռն երթայ՝ որ գայ Գարուն:

1. Սեպտեմբեր քանի՞ն է որ գիշեր ու ցերեկ հաւասար կը լան:
2. Ա՛լ ի՞նչ բաներ կը ուստահին աշնան մէջ:



ՄԱՐԴԸ Ի՞ՆՉ ՇԻՆԵՑ

Եղիկն ըսաւ — ես արագ կը վազեմ:
Ծիծառն ըսաւ — ես կը թոշիմ հովի պէս:
Չուկն ըսաւ — ես կը լողամ ջուրին մէջ:
Մարդը լսեց ու ըսաւ — ես շոգեկառք կը
շինեմ ու եղիկէն արագ կը վազեմ. ես օդանաւ
կը շինեմ ու երկինքին մէջ կը թոշիմ. ես նաւ
կը շինեմ ու ծովուն վրայէն կը ճամբորդեմ:
Եղիկը տեսաւ շոգեկառքը — ու զարմացաւ:
Թոշունը տեսաւ օդանաւը — ու ամչցաւ:
Չուկը տեսաւ շոգենաւը — ու խելքը գըլ-
խէն գնաց:

1. Մարդիկ ցամաքին վրայ ի՞նչ բաներով կը ճամբորդեն:
2. Մարդիկ գետի ու ծովերուն վրայէն ի՞նչ բաներով տեղէ մը տեղ
կերթան:
3. Մարդիկ օդին մէշէն ի՞նչպէս կը ճամբորդեն:



ՄԱՄԱՅԻՆ ՑՈՐԵՆԸ

1

Թըռ հա թըռ. Ճնճղուկներն եկան, իջան
Մարիամ մամային ցորենին
վրայ:

Մարիամ մաման խաշած
ցորեն է փուեր տանիքը:

— Հէլ-էլ-էլ, հէլ-էլ-էլ,
քըշա, քօրնալիքնե՛ր, քըշա. ցորենս հատցուցիք:

Մարիամ մաման կը բարկանայ ճնճղուկնե-
րուն, ու կը քշէ՝ թևերը երերցնելով:

Ճնճղուկները կը թոխն. կը թոխն որ բիշ մը
ետքը նորէն գան:

2

Կըռա, կըռա:


Մարիամ մաման օճառին կտորը տանիքն է
մոոցեր:

— Վ՛ույ, մուրը զլիուս.
անձեղն եկաւ օճառս գող-
ցաւ...

Մարիամ մաման ցուպը
կը շարժէ, ու անձե՛ղը կը
թոխ. կը թոխ՝ օճառը կտու-
ցին մէջ ու կը թառի դէմի
բարտիին գագաթը:



Պէօ, պէօ. հորթը իր չուանն է քակեր,
գացեր կովին ծիծերն է ծծեր։
Մարիամ մաման կը վազէ ախոռը։ Հորթը
ծծեր, կաթ չէ թողու-
ցեր իրիկուան մակար-
դին համար։



— Պիշօ, պիշօ, իմ
ձագուկս, եկուր տեղդ.
եկուր մսուրիդ առջեւ,
կը կանչէ Մարիամ մաման հորթուկին։
հորթուկը կը ցատկէ, կը վազէ, հոս կը
թոփ, հոն կը թոփ։ Ահա բռնեց Մարիամ մա-
ման, պինդ կապեց չուանը վզին ու ծայրը հան-
գեցուց մսուրի օղակին։
Բայց ինչ օգուտ, հորթը կերեր է կաթը։

«Անիծուիս, ծերութիւն», կըսէ Մարիամ
մաման, ու տքալէն տքալէն՝ կը բարձրանայ սան-
դուխէն վեր։

Մարիամ մաման ծերացեր է. աչքը աղէկ
չի տեսներ, ոտքը կը դողայ, ծեռքը կը դողդոայ։
Ծերացեր է ու կը տքայ։



Իշուս բարձած տանձ, խընձոր՝
ելայ գացի Գոմաձոր։
Վերադարձիս մէկալ օր՝
ճամբան զարկի մէկ մեծ լոր։

Ատ բելիար թըռչունը.
Դըրի իշուս խուրջինը,
ուրախ ուրախ եկայ տուն,
կընունք ըրի իմ որդուն։

Ա՛լ տիրացու, ա՛լ տէրտէր,
սանահայր ու սանամար,
կընքահայր ու կընքամար,
քէհեայի կին, քոյր ու մար,
դուռ, դըռկից ու խընամի,
ա՛լ ինչ թըռուեմ մի առ մի,
եօթը հարանք, եօթը մարանք,
թափանք, ատ լորը կերանք։

Կերանք, հըմմա, ինչպէս կերանք։



ԶՈՒՐԻՆ ԵՐԳԸ

Ես յստակ ջուրն եմ, ես զով ջուրն եմ.
Ի՞նչ պիտի ընէին մարդիկ, եթէ ես չըլլայի:
Առաւօտէն մինչև իրիկուն, կը հոսիմ աղբիւ-
րէն. ոչ հանգիստ ունիմ, ոչ դադար: Կերթամ
տուները՝ սափոր սափոր, կը լուամ աղտոտ
ձեռքերը, ու կաթի պէս ճերմակ կընեմ. կը լուամ
աղտոտ երեսները, ու վարդի պէս կարմիր կընեմ:



Ես կը հոսիմ, կեր-
թամ դաշտերը. կը ջրեմ ծառերը, ծաղիկները,
խոտերն ու բոյսերը:

Ես առուակ կըլլամ, վտակ ու գետ կըլլամ:
Ես ծով ու ովկէանոս կըլլամ:

Ես կը բարձրանամ օդին մէջ ու ամպ կը
դառնամ. կերթամ երկրէ երկիր, աշխարհէ աշ-
խարհ. կերթամ ու անձրև կուտամ երաշտ գե-
տիններուն, ցող կուտամ ծարաւ բոյսերուն.

Ես եմ որ ձիւն կըլլամ, կարկուտ կըլլամ,
սառոյց կըլլամ:

Ե'ս եմ որ կենդանիներուն պապակը կան-
ցընեմ. ես եմ որ ձեզ կը զովացնեմ, մանուկ-
ներ, երբ ամառը սաստիկ ծարաւ զգաք:

1. Ի՞նչպէս կրնաք գիտնալ թէ ձիւնը, սառոյցը եւ կարկուտը ջուր ե՞տ
2. Ի՞նչու օգտակար է ջուրը, ո՞ր բաներուն օգտակար կըսե՞նք:



ՏՈՒՆԸ ՈՎԿ ԿԸ ՇԻՆՔ

1

Մշակն եկեր, հող կը մաղէ:
Կը մաղէ սառատով. խոզոր սառատով. խիճը
կառնէ մաղէն, մէկ կողմ կընետէ ու կը դիղէ
բարակ հողը:


Կը դիղէ բարակ հողը, որ վարպետը գայ
աղիւս կտրէ:

Դիղէ', մշակ, դիղէ բարակ հողը:

2

Վարպետն եկաւ աղիւս կը կտրէ:
Հողին հետ յարդ է խառներ. յարդ է խառ-
ներ, ջուր է լեցուցեր ու ցեխ է շիներ:

Կը դնէ փայտէ կաղպարը և թի թի ցեխ
կը լեցնէ անոր մէջ: Կը լեցնէ ու ծեփիչով կը
հաւսարցնէ ցեխը՝ կաղպարին երեսին հետ:



Դուրս կը քաշէ կաղպարը և աղիւսները՝
քառակուսի ու քառանկիւն, կը շարուին մէկ
մէկու քով, կը շարուին կարգով կարգով։

Կտրէ՛, վարպետ, կտրէ աղիւսը՝ որ չորնայ
արևուն տակ։

3

Քարակոփը նստեր քար կը կոտրէ։

Կը կոտրէ քլունկով, կը մանրէ, կը շիտկէ
ու կը բարդէ դէզ դէզ։

Կը զարնէ ծանր քլունկը, և հում, հում,
ձայն կը հանէ իր կուրծքէն։ Իր կուրծքը ձայն
կը հանէ և քլունկն ալ կայձ։

Կո'արէ, քարա'կոփ, կոտրէ խոշոր քարերը,
մանրէ՛ և բարդէ՛ դէզ դէզ։

X

4

Սղոցողներն եկան, տախտակ կը սղոցեն։
Խոշոր գերանը դրեր են երկու նեցուկի
վրայ. սղոցողին մէկը ելեր է անոր վերև, միւսը
կեցեր է տակը։ Առեր են երկար սղոցը ու կը
քաշեն գերանն ի վար, խըզըր հա խըզըր, խը-
զըր հա խըզըր։

Կը սղոցեն ու սղոցուկը, թեփի պէս, վար
կը թափի. կը թափի գետինը, կը թափի տակի
սղոցողին գլխուն վրայ, որ ծածկուած է կար-
միր թաշկինակով։

Խըզըր հա խըզըր, սղոցեցէ՛ք գերանը, սղո-
ցողնե՛ր. սղոցեցէ՛ք ու շինեցէ՛ք երկա՛ր երկա՛ր
տախտակներ։


5

Քարն ու աղիւսը որմնագիրին համար։
Երկար տախտակները հիւսնին համար։


Որմնագիրը իր հետ բերաւ կապարալարը,
ծեփիչն ու փոքր մուրճը. հիւսնը իր հետ բե-
րաւ ուրագը, տաշոցը ու քանոնը։

Ի՞նչ ընելու համար։

1. Քանի՛ տեսակ արհեստաւոր կաշխատի՛ շինելու համար տուն մը.
անոր բոլոր ժամերով, ըսէ՛ք մէկիկ մէկիկ եւ անոնց ըրածներն ալ։
2. Նայեցէ՛ք պատկերին մէջ եւ ըսէ՛ք ինչ որ կը տեսնէք։



ՍԿԻՒՌԸ



Սկիւռը անտառին մէջ շատ լաւ կապրէր:
Ինչն էր պակաս-
լնկուզ ըսես՝ շատ. կա-
ղին՝ ինչքան որ կուզես-
ջուր՝ կայ ու կայ, խմէ
սրտիդ ուզածին չափ:

Սկիւռը կը նստէր արևկողը և կը տաքնար.
օդը որ ցրտէր՝ կը մտնար ծառի ճեղքին մէջ,
կը թաղուէր չոր տերեներուն տակ, կը քնա-
նար: Աստուծմէ՛ ալ ինչ կուզէր, տեղը համ
տաք էր, համ փափուկ:

Կէնձ ու կանաչ օրերը այսպէս անցուց
Սկիւռը: Եւ եղաւ որ ծերացաւ: Ակռաները թա-
փեցան, աչքերուն լոյսը հատաւ:

— Ե՞ս, կրսէր ծեր սկիւռը. աշխարհքը
փոխուեր է, ա՛լ առաջուանը չէ: Արեգակը ցրտեր
է, զիս չի տաքցըներ: Ընկոյզը կարծրացեր է,
կրծել չըլար. կաղինը որ ըսես, Աստուծ գլխէս
կտրեր է ու կտրեր: Ինչ բան
է. կը պարտիմ, կը պտըտիմ,
պուտ մը ջուր չեմ գտնար.
առուները ցամքեր են, ճահճ-
ները չորցեր են: Զէ՛, աշխարհ-
քը փոխուեր է ու փոխուեր:



Ագռաւը լսեց ու բարտիին ծայրէն կըռ-
կըռաց:

— Աշխարհքը հին աշխարհքն է, բայց դուն
ես փոխուեր, աղա՛-աղբար:



ԶԱՂԱՅ

Զուրն է ահա
կը ՓըշՓըշայ
ու կը Փըշայ.
Զաղացքին մէջ
իրարանցում,
ալեկոծում:

Երեք չորս հատ
ջրաղացքար՝
իրենց անդուլ
չախջախներով
կը պտըտին,
հա՛ կը դառնան:

Դուրսը,
ներսը
իրարանցում,
սայլի ճըռինչ,
քարի գոռոց:
Մէկը բեռը
ներս կը կըրէ,

մէկն ալ ահա
դուրս կը բերէ.
մէկն աղօնը
կը լեցնէ,
ցորեն կուտայ՝
ալիւր կառնէ:

Տե՛ս, մէկ կողմն ալ
ջաղացպանը
ալրաթաթախ
ալրտունը,
քարը տեղէն
իջեցուցած՝
անոր տակը
շըշած վըրան,
տո՛ւը որ կուտայ
քարին՝ մուրճը,
եւ կը թափէ
կայծեր շուրջը.

կը տաշէ զայն,
 եւ իր երգը
 կերգէ ուրախ.
 — «Եկո՛ւր, ի՛մ քար,
 իմ ջաղացքանը,
 քեզ կըռանեմ,
 խոր փոսիկներ,
 սուր ատամներ
 կուռ կուանով՝
 ծանը մուրճով՝
 շինեմ լանջիդ,
 որ դուն աղաս
 բնաղօնը,
 բնաղօնը,
 չոր աղօնը.
 ալի՛ւր, ալի՛ւր
 տաս աշխարհին,
 ե՛ւ ծառային,

ե՛ւ արքային:
 Աշխարհը լայն,
 մեր տեղը նեղ,
 հալինք, մաշինք
 մենք միատեղ:
 Եկո՛ւր, իմ քար,
 քեզ կըռանեմ,
 սուր ակուաներ,
 խոր փոսիկներ
 կուրծքիդ հանեմ:
 Ես քու տէրը,
 Ես քու գերին.
 Եկուր հաց տանք
 մենք աշխարհին.
 աշխարհը լայն,
 մեր տեղը նեղ,
 հալինք, մաշինք
 մենք միատեղ:»

- Զաւացքին մէջ ի՞ուչ բաներու աղմուկը կը լսուի:
- Ինչո՞ւ ջաղացքարին վրայ փոսիկներ կը փոքեն:
- Ո՞վ է որ թէ՛ ծառային եւ թէ՛ թագաւորին հաց կու տայ. բայց
ենք դարձեալ աղքատ կը մմայ:



Ի՞նչ ԸՍԱԻ, Ի՞նչ ԼԱԵՑ

— Կու-կու-լիկ-կու, կանչեց իշխան Աքլորը:
 — Անցնէիր ձեռքս,
 Փրցնէի ատ լեզուդ, —
 պուաց աղա-Աղուէսը:

— Իյնայիր թակար-
 պս, քաշէի ես ալ մոր-
 թէդ, — պատասխանեց
 մուշտակագործ վարպետը:

— Քաշէիր մորթին, շինէիր մուշտակ, որ ես
 հագնէի, հարսնիք երթալի, — ըստ քաղքին
 խաթունը:

1. Աւ ո՞ր կենդանիներու մորթէն մուշտակ կը շինուի:
 2. Ուրիշ կենդանիներու մորթէն հապա ինչե՛ր կը շինեւ:



Գ/004

ՄԱՅՐԻԿՍ ԱՌՈՂԶԱՑԱԻ

Սաթենիկ այսօր շատ ուրախ է, գիտէք
 ինչու, իր հիւանդ մալրիկը առողջացեր է:

— Գիտե՞ս, Մարիամ, կըսէ Սաթենիկ իր
 ընկերուհին. այսօր մալրիկս իր անկողնէն ելաւ
 և սկսաւ աշխատիլ ...

Սաթենիկ շատ շատ ուրախ է. կուզէ որ
 ամէնքն ալ իրեն պէս ուրախ ըլլան:
 Մալրիկը, երկար օրեր, ճիւանդ էր պառկեր.



անոր համար, հայրիկն ալ տխուր էր, քո՛յրիկն
ալ, պզտիկ վահանն ալ:

Սաթենիկին մեծ քոյրը՝ Աննան, կրակ կը
վառէր, կերակուր կեփէր և տանը գործերը կը
տեսնէր:

Սաթենիկ լնք ալ, երբ իրիկունը տուն եր-
թար, անմիջապէս դասագրքերը վար կը զնէր,
կը վազէր իր մեծ քըոջը քով։ Մենեակը կաւէր,
աղբիւրէն ջուր կը կրէր և կը կատարէր Աննա-
յին ըսածները։

Կաշխատէր որ հիւանդ մայրիկը չնեղանաւ.
անոր քով կերթար, գեղը կուտար. ջուր կու-
տար՝ որ խմէ։

Այսօր, մայրիկը առողջացեր է։ Սաթենիկ
ուրախ է, որովհետև մայրիկը ըսեր էր իրեն։

— Ապրի՞ս, շատ ապրիս, զաւակս, դուն օգ-
նեցիր Աննային, հոգ տարիր որ հանգիստ մնամ
և շուտ առողջանամ։ Ահա ես ալ առողջացայ։

4. Ձեր ալ մայրիկը երբեք հիւանդացե՞ր է։ Երբ հիւանդացեր է, ի՞նչ
եք գգացեր եւ ի՞նչ վիճակ է ունեցեր ձեր տունը։ Դուք ալ ձեր
մայրիկը գոհ ձգե՞ր էք։



ԳԵՂԱՑԻՆ ՈՒ ԼՈՒՄԱՅԱՓՈԽԸ

Գեղացիին մէկը առաջին անգամ էր որ
քաղաք կուգար. աչքին ինկաւ լումայափոխի մը
խանութը։

Ներս նայեցաւ ու տեսաւ որ խանութը
պասպարապ է, ծախու բան չիկայ մէջը. մի-
նակ մարդ մը նստեր է ու գիր կը գրէ։

Գեղացին ներս մտաւ ու խանութպանին
հարցուց զարմանքով։

- Ի՞նչ կը ծախուի այս խանութին մէջ, աղա
- Իշու գլուխ, ըսաւ կոպիտ խանութպանը։
- Կը տեսնեմ որ աղէկ առուտուր ունիս,
պատախանեց գեղացին. որովհետև, քու գլու-
խէդ զատ ուրիշ ապրանք մնացած չէ խանու-
թին միջ։



ՓԵՍԱՑՈՒ ՄՈՒԿԸ

Մուկը ուզեց ամուսնանալ
եւ հըզօրին փեսայ դառնալ.
իրեն ըսին, որ Արեւն է
աշխարհիս մէջ միայն հըզօր:

Կերթայ կըսէ. «բարեւ, բարեւ,
«աս աշխարհքի հզօր Արև.
«քու աղջիկդ հեղիկ-նազիկ,
«հեղիկ-նազիկ, ոսկեմազիկ,
«տո՛ւր որ տանեմ, ընեմ հարսիկ»
— Ես ո՞ր տեղէն հզօր եմ որ.
տես, ան Ամպն է ինձմէ հըզօր:

Մուկը կերթայ Ամպին քով. Ամպը կըսէ՝
ինձմէ հըզօր է Քամին: Կերթայ քամին քով.
Քամին կը խրկէ Գոմէշին. Գոմէշը կը խրկէ Գու-
թանին, Գութանը՝ Արմատին, Արմատն ալ՝ մկան:
— Քուրիկ, քուրիկ, մեր հին ծանօթ,
այ, գութանը խօսքիս վըկայ,
քեզմէ հըզօր մէկը չի կայ.
քու աղջիկդ հեղիկ-նազիկ,
հեղիկ-նազիկ ոսկեմազիկ,
տո՛ւր որ տանեմ, ընեմ հարսիկ:
— Բարո՛վ, մկնիկ, բարով տեսայ,
ըսել է որ ատպէս բա՞ն կայ.

Ես քեզ զոքանչ, դուն ինձ փեսայ.
իմ աղջիկս հեղիկ-նազիկ,
հեղիկ-նազիկ, ոսկեմազիկ,
կուտամ քեզի, ըրէ հարսիկ:

Մուկը մկան եղաւ փեսայ,
աս աշխարհքին օրէնքն է սա:


ԷՇԸ

1


Կար ու չի կար, էշ մը կար: Շատ կաշխա-
տէր այս էշը:

Երբ գարունը բաց-
ուէր, աղբ կը կրէր
արտը. շարաթը մէկ
քանի անգամ քաղաք
կը տանէր իր տէրը.
քաղաքէն ալ ծանր
ծանր բեռեր կը շալ-
կէր:

Որքան կուզէր որ ախոռէն դուրս չելլէ, կե-
նայ մսուրին առջեւ և անուշ անուշ ծամէ յարդ
ու զարի:

Մեր իշուկը կըսէր.

— Ուժ ինչ անիծած եղանակ է գարուն
ըսածդ: Աղբ կրէ պարտէզը, հող կրէ, հոգիդ
հանէ: Անգամ մը ամառ գար և հանգիստ ըլլայի:



2

Եկաւ ամառ: Ծաղիկներուն տեղ՝ բուսանքանջարեղիններ, արտերուն մէջ ալ ցորեն ու գարի:

Բայց էշը հանգիստ չունի: Արտէն տուն կը կրէ ոսպ ու սիսեռ, յարդ ու ցորեն: Գիւղէն կը տանէ ձմերուկ ու սեխ, սոխ ու սըխտոր: Իր գործը շատ դժուար է, արևն ալ կրակի պէս տաք:

... Այս, գետինն անցնիս, ամառ, կըսէ էշը. Երբ աշուն պիտի գայ որ քիչ մը հանգիստ ըլլամ:

3

Ահա աշուն: Հասունցած է խնձորը, տանձը, խաղողը, ընկոյզը, գետնախնձորը և կաղամբը:

Էշը բեռ բեռ կը կրէ պտուղ, բանջարեղին. կը կրէ առաւօտէն մինչեւ իրկուն. դադար չունի, հանգիստ չունի և տքալով կը սպասէ ձմեռուան:

Ձմեռը հանգիստ եղանակ է. ոչ պտուղ կայ, ոչ բանջարեղին, ոչ ալ հացահատիկ: Իշուկը կը մտածէ. տաք ախորին մէջ ոտքերս պիտի երկնցնեմ և պիտի պառկիմ հանգիստ:

4

Եկաւ հասաւ ձմեռն ար Զիւնը բռներ է լեռ ու դաշտ, սառ կապեր են ջրերն ու գետինը: Էշը պէտք է որ փայտ ու ածուխ տանէ բաղաք:

Կը քալէ ձիւնին մէջէն, կը բարձրանայ զառիվերը և կըսէ տքալով.

— Պըսէ, ինչ սաստիկ ցուրտ է, և ինչ ծանր է բեռ: Խերն անիծած ձմեռուան ալ: Իւ էշը կը զոայ, կը զոայ:

1. Էշը ի՞նչ կընէր գարունը, ի՞նչ կընէր ամառը, աշունը, ձմեռը
2. Ի՞նչ էր իշուն գանգատը:



ՎԱՂԸ, ՎԱՂԸ

1

Առտուն, Զարուհի իր գուլպաները կը հագնէր. տեսաւ որ մէկ գուլպային կրունկը ծակեր է: Ծակը հազիւ գնդասեղի մը գլխուն չափ կար, բայց Զարուհի ըսաւ.

— Վնաս չունի, տակաւին խոշոր չէ', վաղը կը լեցնեմ:

Միւս օր ծակը եղաւ սիսեռի մը չափ. Զարուհի նորէն զլուխը գերեց և «վաղը թող մնայ» ըսաւ:

Վերջապէս, կարկանելու նստաւ. բայց ծակը շատ ու շատ խոշորցած էր. հիմա աւելի շատ պիտի աշխատի, աւելի ժամանակ պիտի կորսընցնէ և գուլպան ալ շատ շուտ պիտի մաշին: Եթէ առաջին օրէն լեցնէր փոքր ծակը, ալդպէս պիտի ըլլար:

2

Զարուհին դասընկերները երբ իրկունը տուն երթան, անմիջապէս քիչ մը կը հանգին և կը պատրաստեն իրենց վաղուան դասերը:

Զարուհի այդպէս չըներ:

— Ես վաղը կը պատրաստեմ. հիմա քիչ մը խաղամ, կըսէ:

Վաղը կըլլայ և Զարուհի իր դասերը չի գետեր: Ինչո՞ւ: Որովհետեւ Զարուհի կըսէ.

— Վաղը կը կարեմ:

— Վաղը կը սորվիմ:

— Վաղը կը գրեմ:

3

Օր մը Զարուհի հարցուց իր մէկ ընկերուհին:

— Ի՞նչպէս կընես որ ամէն օր դասերդ լաւ կը զիտնաս:

Դասընկերուհին պատասխանեց.

— Ի՞նչպէս կընեմ. Ես երբեք «վաղը, վաղը» չեմ ըսեր: Դուն ալ ինձի պէս ըրէ և տե՛ս:

Զարուհի որոշեց «վաղը, վաղը» չըսել. և իրաւ ալ, քիչ ատեն ետք, եղաւ դպրոցին առաջադէմ աղջիկներէն մէկը:

1. Զարուհին գուլպային ծակը ինչո՞ւ մեծցաւ եւ ինչո՞ւ անոր գուլպան շուտ պիտի մաշի:

2. Զարուհին ինչո՞ւ դասերը չէր գտներ:

3. Ի՞նչպէս հասկաւ Զարուհին իր սխալը:

ՈՉՆԻՆ

Ոզնին գլուխը գուրս հանեց իլր փուշերուն մէջէն և ըսաւ:

— «Չեմ զիտեր

ինչո՞ւ ամէնըն ալ թշնամի են ինձի:

«Ես մէկու մը

վսաս չեմ հասցներ:

Ես կուտեմ որդեր

ու միջատներ:

«Կըսեն թէ ինչո՞ւ մարմինս ծածկուած է սուր սուր փուշերով: Բայց չէ՞ որ ոզնին ալ հոգի մը ունի և պէտք է որ ինքզինքը պաշտպանէ իր թշնամիներուն դէմ:

«Տեսէ՛ք ահա, նապաստակները թեթևոտն են. անոնք իրենց թշնամիներուն ձեռքէն կազատին՝ կրակի պէս փախչելով:

«Շուները իրենք զիրենք կը պաշտպանեն իրենց ժանիքներովը, կատուներն ալ՝ իրենց ճանկերովը:

«Զին ու ջորին ունին աքացի. խելօք ոչխարներն անգամ իրենց կոտոշներն ունին:

«Ե՞ս ի՞նչ ունիմ: Ես ալ ունիմ իմ փուշերսէ երբ մէկը ուզէ վսաս տալ ինձի, անմիջապէս ներս կը քաշեմ զիուխս, ոտքերս ու պոչս, և կը դառնամ փուշէ գնափիկ մը: Այսպէս, կազատիմ չարերուն ձեռքէն:



«Ես իմ որջու կը շինեմ խոշոր ծառերուն
կոճղին մէջ, և կը
ծածկեմ մամուռով.
հոն կը քնանամ ամ-
բողջ ցորեկը։ Երբ
մութը կոխէ, դուրս
կելեմ և կերթամ ու-
տելիք գտնելու։ ինծի
պէս կընեն բուերն ու
չղիկներն ալ։

«Զմեռն եկածին պէս՝ կը սկսիմ քնանալ։
կը քնանամ ամիսներ. ո՞չ ձիւն կը տեսնեմ. ո՞չ
փուք, ոչ ալ ցուրտ։

«Ես երկար քնանալը շատ կը սիրեմ, որով-
հետեւ խորունկ քունը առողջութիւն կու տայ
ինծի։

«Հիմա, դուք ըսէք, աղնի՛ւ մանուկներ, իրա-
ւունք ունի՞ն մարդիկ զիս հալածելու։

«Պարտիզանները կըսեն թէ ես իրենց
պտուղները կուտեմ. հովիւները կըսեն թէ ես
իրենց կաթը կը խմեմ. շուներն անգամ հակա-
ռակորդ են ինծի։

«Ի՞նչ սև ձիւն պիտի գար գլխուս, հապա
եթէ փուշեր չունենայի. . .»

1. Ոզին լսա՞սակար կենդանի է. ինչո՞ւ։
2. Ի՞նչ կըսեն լսասակար չեղող կենդանիներուն եւ ո՞րոնք այդպէսեն։
3. Ոզին ինչո՞ւ փուշեր ունի։
4. Զմեռ ատեն ի՞նչ կընէ ոզին։



ԱՂԲԻՒՐ


Աղբիւրս ուր է, ա'րտ ու արօտ,
այն ձեզի հետ պագտըւող.
աղբիւրս ուր է խորոտ-մորոտ,
անուշ ձայնով գոշգըշող։

— Այն աղբիւրդ, տապ ու տոթէն,
լեռան կըպաւ, սիրո՛ւն տըլայ,
անսիրտ լեռան քար-սիրտ կուրծքէն
հեկեկալով կը բրդիսայ . . .

— Հէյ ճան, ա'յ ճան, ի՛մ աղբիւր ճան,
բայց մեր արտը անջուր մընաց . . .
ակդ զըմրուխտ, տակդ մըրջան,
սիրտս պապակ՝ անջուր մընաց . . .

— Մի՛ վըշտանար, խելօ՛ք տըզայ,
դարձեալ վաղը գարուն կու գայ.
գարուն կու գայ, նոր կեանք կու տայ
ու աղբիւրդ կը գըլգըլայ:

1. Ցղան ի՞նչ հարցուց արտին ու արօտին:
2. Արտն ու արօտը ի՞նչ պատասխանեցին:
3. Յետոյ տղան աղբիւրին ի՞նչ ըսաւ:
4. Հապա աղբի՞ւրը ի՞նչ պատասխանեց:
5. Աղբիւրները ե՞րբ կը չորդան եւ ե՞րբ կը շատնան:



ԼՍԻ', ՊԶՏԻԿ ԱՂՋԻԿ



Լսէ՛, պղտիկ աղ-
ջիկ, տե՛ս ասեղը ինչ
կըսէ:

Ասեղը կըսէ.
— «Ես քեզի բա-
րեկամ պիտի ըլլամ և
ա՛լ ասկէ ետք իրարմէ
պիտի չի դատուինք:

«Ես ու դուն մէկ-
տեղ պիտի աշխատինք:
«Բայց, զիտե՞ս թէ
ի՞նչպէս ասեղ եղայ ես:

«Հազա՞ր հազար
մարդիկ փորեցին գե-
տինը, շինեցին խորունկ հորեր և գտան երկաթը:

«Այդ երկաթը կոշտ ու կոպիտ բան էր.
հանեցին դուրս, հալեցին, մաքրեցին և անկէ
ձուլեցին զիս:

«Տե՛ս, հիմա ո՛քան փայլուն, նուրբ ու թե-
թև եմ ես:

«Գիտե՞ս թէ ինչպէս շիներ են կտաւն ալ,
այն կտաւը՝ որուն մէջ կը շուլլես զիս ու կար
կը կարես:

«Դարձեալ, հազարաւոր մարդիկ, տաք արկին
տակ, շաբաթներ քրտինք են թափեր, ցաներ ու
քաղեր են բամպակը, յետոյ բամպակէն մանած
են մաներ և այդ մանածէն ալ կտաւ են գոր-
ծեր:

«Այդպէս շինուած է այն թելն ալ՝ որ իմ
ծակէս կանցնես և կը կարես քու կտորդ:»

1. Ի՞նչ բանէ շինուած է ասեղը:
2. Երկաթը ո՞ւրիէ կը հանեն եւ ի՞նչպէս անով առարկաներ կը շինեն:
3. Ալ ուրիշ ի՞նչ առարկաներ երկաթէ շինուած են:
4. Պատմեցէք թէ կտաւը ո՞ւրիէ շինուած է եւ ի՞նչպէս:



ՄԵՐ ՍԵՒ ԿԱՏՈՒՆ

Թաղին մէջ, ամէնքը կը ճանչնալին մեր ուն
կատուն:



Կատուներ շատ կա-
յին մեր թաղը, բայց
մեր Սևուկը մէկ հատիկ
էր. Սեփ-սե, աչքերը
դեղին, մազը թաւիշու
պսպղուն, ինքը սիրուն
ու գէր... կը մլաւէր
բարակ ու ցած ձախով:

— Մարդամ, հաց
բե՛ր, Սևուկը անօթի է,

— Կըսէր հայրս:

Սփոռոցը կը բացուէր ու կը նստէինք սե-
ղանի. Սևուկը կը ցառէկէր հօրս ուսին ու յետոյ
կը նստէր անոր ծնկան վրայ:

— Ուտենք, կատու, Աստծու տուածը, —
կըսէր հայրս:

1. Դուք ու կատու ունի՞ք, ի՞նչ գոյն ունի. նկարագրեցք: Գո՞ւք
ի՞նչպէս կը կերակրէք ձեր կատուն:



ԶԻՆ ՈՒ ՔՈՒՌԱԿԸ

1

Այսօր դասի ժամանակ, վարժապետը նոր
կանոն մը կը սորվեցնէր թուաբանութենէն:

Ընկերս, Ստեփանիկը, ականջիս փըսփսաց.
— Ես լաւ ձի նկարել զիտեմ:

Անհամբեր կը սպասէի դասամիջոցին. ա՛լ
չիմացայ թէ ի՞նչ պատմեց վարժապետը:

Դասը վերջացաւ: Ստեփանիկ նկարեց
քարետախտակիս վրայ այսպիսի ձի մը.



Այնչափ հաւնեցայ, որ սիրտս սկսաւ բա-
րախել: Ես ալ ուզեցի ձի նկարել:

Դասարանէն դուրս չիգացի. այբան աշխա-
տեցայ, այնքան աշխատեցայ, որ նկարեցի ոչ
միայն ձի, այլ բուռակն ալ հետը:



Զանգակը հնչեց. աշակերտները ներս եկան
և նստեցան:

Վարժապետն ալ եկաւ և քանոնը սեղանին
դարնելով պոռաց.

— Լռութիւն:

Բոլորն ալ սուս կեցան:

Յետոյ, վարժապետը դարձաւ ինծի և ըստ
որ ոտքի կենամ:

— Կրկնէ տեսնեմ, ինչ որ պատմեցի կէս
ժամ առաջ:

Ի՞նչ կրնայի կրկնել: Մունջի պէս կանգնած՝
պուխս կը քերէի:

Վարժապետը զրկեց զիս ճաշէ: Զանգակը
հնչեց և ընկերներս, կարգով, դուրս ելան, գա-
ցին կերակուր ուտելու: Մսացի մինակ:



Մ Ա Շ Ա Կ Ա Բ Ա Ս Ի Օ Ր Բ

ԾՈՒՌ-ԴԴՈՒՄԸ

1

Ինչ փշեց, ինչ չի փշեց Ծուռ-Դդմին խելքին, ելաւ, գաւազանը առաւ՝ ծուռ մէջքին դրաւ ու ճամբայ ինկաւ. երթամ՝ ընկոյզ գողնալու ըսաւ:

Շատ գնաց թէ քիչ, մինակ ինքը Ծուռ-Դդումը զիտէ. միայն թէ, ճամբան դէմն ելաւ Մողին:

Մողին հարցուց.

— Ո՞ւր կերթաս, Ծուռ-Դդում:


— Ծոխ'ս, ճամբուն տակն ընկնիս. բերանդ կը չորնայ որ քեսի ու կնքահայր ըսես, — պատասխանեց Դդումը բարկացած:

— Աղա քեսի, ատ ո՞ւր կերթաս, նորէն հարցուց Մողին:

— Ընկը-գո՞ղ, պատասխանեց Դդումը:

— Ե որ այդպէս է, մէկ շլանք՝ երկուք ըլլանք, ըսաւ Մողին:

Ծուռ-Դդումը հաւանեցաւ, ու միասին շարունակեցին ճամբան:



2

Շատ գացին

թէ քիչ, մինակ Դդումն ու
Մողին գի'տեն. միայն թէ ճամ-
բան հանդիպեցան Աքլորին:

— Ուր կերթաս, Ծո՛ւռ-
Դդում, — հարցուց Աքլորը:

— Ծոխ, ճամբուն տակն
ընկնիս, բարկացաւ Դդումը.
բերա՞նդ կը չորնայ որ քեռի
ու կնքահայր ըսես:

— Կնքահա՛յր, ատ ուր

կերթաս, կրկնեց Աքլորը:

— Ընկըզ-գոզ, պատասխանեց Դդումը:

— Է, երկուք չըլանք, երեք ըլանք, ըսաւ
Աքլորը:

Դդումն ու Մողին հաւանեցան, և երեքով
շարունակեցին ճամբան:

3

Շատ գացին թէ քիչ, ատ ալ Դդումը, Մողին
ու Աքլորը գիտեն. միայն թէ ճամբան պատա-
հեցան չերիւնին:

— Ծուռ-Դդո՛ւմ, ատ ուր կերթաս հարցուց
չերիւնը:



— Ծոխ, ճամբուն տակն ընկ-
նիս, բարկացաւ Դդումը. բերա՞նդ կը
չորնայ որ քեռի ու կնքահայր ըսես:

— Քե՛ռի, կնքահա՛յր աղա, ուր
կերթաս, հարցուց չերիւնը:

2

— Ընկըզ-գո՛զ, պատասխանեց Դդումը:
— Է, երեք չըլանք, չորս ըլանք, ըսաւ
չերիւնը:

Դդումը, Մողին ու Աքլորը հաւանեցան, ու
չորս ընկեր շարունակեցին ճամբան:

4

Հասան պառաւի մը տունը:

Դդումը հանեց Մողին տանիքը, թաղեց Աք-
լորը օճախի մոխիրին մէջ, ցցեց
չերիւնն ալ գետինը: Գնաց որ
վերցնէ ընկոյզին տոպրակը. ըն-
կոյզն է շրխըրտաց:



Պառաւը որ լսեց, տե՛ղէն վեր
թռաւ և ուզեց ընկոյզին քով եր-
թալ, — չերիւնը ոտքը մտաւ: Գնաց
որ կրակին անթեղը հանէ ու ճրագ վառէ, —
Աքլորը թևերը թափահարեց և մոխիրը անոր
աչքերը լեցուց: Ուզեց որ վեր նայի և աչքերը
շփէ, — Մողին անոր բերանը հող թափեց. այդ
միջոցին, Դդումը շալկեց ընկոյզին տոպրակը,
ու վիախաւ:

5

Պառաւը վերցուց չերիւնը՝ կօշիկները կար-
կըտնելու. մորթեց Աքլորը, կերաւ. բոնեց Մո-
ղին ալ, բերաւ՝ իր գոմը կապեց:

Իսկ Դդումը տեսաւ որ պառաւը ինկեր է

ետին, մօտեցեր է, հա՛ կը հասնի. ծուաւ, ինկաւ
բարձր ցանկապատին վրայ՝ որ պառաւին ձեռքը
չանցնի ատպէս ալ ծուած մնաց:



ԱՆՄԵՂՆԵՐՈՒ ԿՈՏՈՐԱԾԸ

1

Ժամանակին թագաւոր մը կար:

Այս թագաւորը կեռաս շատ կը սիրէր: Գիտէք թէ ճնճղուկներն ալ շատ կը սիրեն կեռասը: Անոր համար, թագաւորը կը վախնար թէ ճնճղուկները կուտեն ծառերուն կեռասը և իրեն բան չեն ձգեր:



Օր մը, թագաւորը սաստիկ բարկացաւ ճճնճղուկներուն դէմ, և հրաման հանեց որ՝ իր հպատակները սպաննեն բոլոր ճնճղուկները ու մէկ հատ ողջ չթողուն:

Թագաւորը ըսաւ.

— Ով որ շատ թոշուն սպաննէ, ով որ շատ թոշունի բոյն բանդէ, անոր մեծ պարզեներ պիտի տամ:

2

Թագաւորի հրաման էր, կատարուեցաւ:

Հպատակները սպաննեցին ճնճղուկները և բոլոր թոշունները. աւրեցին անոնց բոյները, կոտրեցին հաւկիթները. մէկ հատ ողջ թոշուն չի մնաց:

Ամբողջ երկրին մէջ տիրեց ամայութիւն. երկինքէն ոչ թէ կանցնէր, ոչ ալ ճուռղիւն կը լրուէր:

Սակայն, գիտէ՞ր ինչ պատահեցաւ:

Միւս տարին, վնասակար միջատները այնքան շատցան, այնքան շատցան, որ պարտէցներուն մէջ պտուղ մը անգամ չի մնաց: Թագաւորը իր սեղանին վրայ չի կրցաւ մէկ հատիկ կեռաս մը անգամ գտնել՝ աղանդերի համար:



3

Թագաւորը սաստիկ զղջաց իր ըրածին վը-
րայ. և որովհետև կեռաս շատ կը սիրէր, մարդ
խրկեց ուրիշ երկիրներ, որ ճնճղուկ գտնեն և
բերեն իր թագաւորութեանը մէջ:

1. Թագաւորը ինչո՞ւ սպաննել տուաւ թուչունները:
2. Յետոյ ինչո՞ւ զղջաց:
3. Թագաւորը ի՞նչպէս կրեց իր յանցանքին պատիժը:



ԱՆԸ

Զեր մայրիկը ամէն օր որ կերակուր պատ-
րաստէ, անպատճառ անոր մէջ աղ կը ձգէ:

Հացի սեղանին վրայ դուք միշտ կը տեսնէք
աղամանը. անոր մէջ լեցուած է ճերմակ շա-
քարի պէս՝ հատիկ հատիկ աղը:

Բայց, հարցուցած էք թէ ինչ է աղը, և ին-
չու մարդիկ այնքան աղ կը գործածեն:

Աղը կը գտնուի այն տեսակ հողերու մէջ,
որոնք շատ հին ատենները ծովի կամ լիճի ջու-
րով ծածկուած են եղեր:

Աղը կը գտնուի նաև ծովի ջուրերուն և
կարգ մը աղի լիճերու մէջ,

Մեր գործածած աղը, ուրեմն, կա'մ աղա-
նքերէն կելէ կա'մ աղի լիճերէն:

Աղահանքերէն կը հանեն՝ խոշոր խո-
տորներով. ապա կը փշրեն ու կը մանրցնեն:

Իսկ աղի լիճերէն ջուրը առնելով, կը կրեն
մեծ աւազաններու մէջ և կը թողուն արեին
տակ. արեին տաքութենէն ջուրը կը շոգիանալ
և տակը կը մնայ աղը:

Յետոյ մարդիկ կը բերեն շուկան և կը
ծախեն:

Աղը թէ՛ մարդոց և թէ՛ կենդանիներուն ա-
ռողջութեան համար անհրաժեշտ բան է: Երբ
որ աղ չըլլար, մենք շատ հիւանդութիւններ
պիտի ունենայինք:

Կենդանիներն անգամ աղ կը վնտուեն. կեր-
թան լեռներու մէջ, աղի քար կը գտնեն և կը
լցեն:


Աղը աւելի շուտով կը հալի պաղ ջուրին՝
բան թէ տաք ջուրին մէջ:

Հապա շաքամբը. ըսէ՛ք տեսնեմ, տաք թէ
պաղ ջուրին մէջ շուտով կը հալի:


1. Ինչո՞ւ մարդեկ աղ կը գործածեն:
2. Աղը միայն մարդո՞ց համար պէտք է:
3. Ի՞նչ բաել է անհրաժեշտ բան:
4. Ուրիշ ի՞նչ բաներ գիտէք որ նոյնպէս անհրաժեշտ են:




ԹՈՒԹԱԿԸ



1. Թութակը լուռ կը մըտմըտար,
Քեռին պառկած կը խըռըմբար.
յանկարծ ե'կաւ չար մէկ փիսիկ
ու նայեցաւ սուսիկ-փուսիկ:



2. Տեղէն թռաւ թութակն ահէն,
«Փըրկէ, քե՛ռի, զիս այս մահէն»
Բայց Քեռին է կը խըռըմբայ
ու չար կատուն կը բարձրանայ:



3. Թութակն այսպէս թըռչըտելով,
կատուին շուրջը պըտըտելով՝
թակարդ լարեց իր ոսովին,
եւ զայն թոկով սեղմեց ձողին:



4. Կատուն միաւ, միաւ կուլայ.
լէկէթ քեզի, չար սատանայ.
Քեռին աչքը ժիր կը բանայ.
կատուն թակարդն ինկած ահա...:



5. Քեռին բըռնեց կատուին պոչէն,
տուր որ կուտաս ձախ ու աջէն,
անոր հոգուն բիր մը քաշեց
որ հաւնեցաւ ով որ լըսեց:



6. Յետոյ դարձաւ, եկաւ Քեռին,
այսպէս ըսաւ մեր թութակին.
«ապրիս, թութակ, որ միշտ այդպէս
«դուն քու խելքով ըեզ աղատես»



ԶԱՐՄԱՆԱԼԻ ԿԵՆԴԱՆԻՆ

1

Շաւարշ շուկայէն տուն կու գար. տեսաւ
որ իր ընկերները խումբով կը վազեն դէպի
միւս փողոցը.

— Ի՞նչ կայ, ի՞նչ կայ, հարցուց Շաւարշ:
— կապիկը, կապիկը, պոռաց մէկ ընկերը
և վազեց փողոցէն վար:

Շաւարշ ինք ալ սկսաւ վազել՝ իր ընկերնե-
րուն գացած կողմը:

2

Ի՞նչ տեսնէ աղէկ: Տեսաւ կենդանի մը. այդ
կենդանիին վիզէն ալ շղթայ մը կախուած և շղ-
թային ծայրէն մարդ մը բռնած:

Մարդը տափ մը ունի ձեռքը, որ կը զարնէ։
Կենդանին մարդու պէս դէմք ունի, մար-
դու պէս ձեռքեր ու ոտքեր ունի. սկսաւ ահա
տեսակ տեսակ խաղեր ընել, ցատկել, պարել և
պառաւի պէս քայլել։

Շաւարշ երբ կը նայէր կենդանին չարաճճի
աչքերուն, կը զարմանար և խնդուկը չէր կըր-
նար բռնել։

Իր ընկերները պտուղ կը նետէին անոր ու
կը պոռային։

— Կապիկ, ահա քեզի կեռաս. կեր տեսնենք։

Ու կապիկը կուտէր պտուղը, և մարդու պէս,
կուտը բերնէն հանելով՝ կը նետէր մանուկներուն։

3

Միւս օր, երբ Շաւարշ ու իր ընկերները
դպրոց գացին, իրենց ուսուցիչն հարցումներ
ըրին՝ կապիկին վրայ։

Ուսուցիչը ըստ թէ, մարդէն ետք, ամէնէն
խելացի կենդանին կապիկն է։ Յայտնեց թէ մէկ
քանի տեսակ կապիկներ կան, ինչպէս, օրանկօ-
թանկ, շիմբազի, ևայն։

Մանուկները չէին ուզեր որ Շուսուցիչը ընդ-
հատէ դասը. կը փափաքէին որ միշտ նոր ու նոր
քաներ ըսէ իրենց։ Ուսուցիչը խոստացաւ, գալ
դասին, շատ հետաքրքիր պատմութիւն մը ընել՝
կապիկին վրայ։

1. Ինչո՞ւ կապիկը մարդու կը նմանի։

2. Ինչ՞ո՞ւ գիտէք թէ խելացի կենդանի է կապիկը։

ԿԱՊԻԿԻՆ ԱՐՁԱՆԸ

1

Տղաք, երէկ ձեզի խոստացայ որ կապիկին
վրայ պատմութիւն մը պատմեմ, մտիկ կընէք։
— Այն, այն, պոռացին ամէնքն ալ։
Մանուկները լուռ կեցան և ուշադիր կը
սպասէին։

2

Ուսուցիչը այսպէս պատմեց։

— Ֆրանսայի քաղաքներէն մէկուն մէջ,
արձան մը կայ շինուած. այդ արձանը՝ Շարիման
անունով շիմբազի կապիկի մը արձանն է։ Լսե-
ցէք թէ ինչո՞ւ համար այս մեծ պատիւին ար-
ժանացաւ Շարիման։

«Ճամբորդին մէկը, Ափրիկէն դարձած ա-
տեն, Շարիմանը իր հետ այդ քաղաքը բերած
էր. կապիկը ազատ-համարձակ կը պտտէր քա-
ղաքին փողոցները, և ամէն տեղ ալ կը մտնէր
ու կելլէր։

«Օր մը, կապիկը տեսաւ որ՝ փոքրիկ մանուկ
մը, ջրհորին քով խաղած ատեն, յանկարծ գլո-
րեցաւ, ինկաւ անոր մէջ։ Կապիկը, ակնթարթի
մը մէջ, բռնեց դոյլին չուանը, ջրհորէն վար սա-
հեցաւ, գրկեց խեղդուելու վրայ եղող մանուկը,
և վեր բարձրացաւ։

«Քաղաքացիները, ասոր համար, շատ սիրեցին այդ կապիկը:

«Շարիման կը մըտնէր ամէն տուն, կը մըտնէր ամէն խանութ և իրուզած անուշ միրգերն ու կանաչեղինները ընտրելով՝ կուտէր:

«Կերթար մանուկներուն հիւանդանոցը. հոն հազարումէկ զըւարճակները ամէն կը հուանդանոցը.

— «Կերթար մանուկները, կատակներ կը նէր և կը զուարթացնէր հիւանդ մանուկները: Մանուկները շատ կը սիրէին զինք:»

3

— Ըսել է որ կապիկներն ալ մարդու պէտինին, հարցուցին աշակերտները:

— Հապա՛, ըսաւ ուսուցիչը. շատ շատերը մեզի պէս խելք ունին:

1. Ի՞նչու Շարիման կապիկն համար մարդիկ արձան շինեցին:
2. Ի՞նչ ըսել է հիւանդանոց: Ինչո՞ւ հիւանդանոց կը շինեն:



ՃԱՅԵԿՆ ՈՒ ՏԱՏՐԱԿԸ



Ճայեկն ըսաւ տատրակն առակ հաւուն.
— Ինչո՞ւ կուլաս կուց կուցարիւն՝
որ կը հոսի դէպի առուն:

Տատրակն ըսաւ արօր հաւուն

— «Գընաց գարուն, եկաւ աշուն,
կըտրաւ ջրիկ աղբիւրներուն,
կըտրաւ խոտիկ ծաղիկներուն,
կըտրաւ ձանիկ կաքաւներուն.
այնքան պիտի լամ ես անքուն
որ գայ արիւն իմ աշքերուն...
ես ի՞նչ ընեմ իմ ձագերուն»:

Ճայեկն ըսաւ տատրակ հաւուն.

— «Մի՛ լար, մի՛ լար, դուն այս աշուն,
շուտով կուգայ բարի գարուն,
լոյս կը ցաթի մեր լեռներուն,
դուռ կը բացուի խեղճուկներուն.
ես քեզ կառնեմ իմ թեւերուն,
կերթանք վրրան մեծ ծառերուն,
կերթանք հեռուն դեռ սարերուն:
Բոյն կը զընեմ մէջ քարերուն,
տուն կը շինեմ մէջ գազերուն,

Երթիկ բանամ դէմ հով քամուն,
թոնիր թաղեմ մէջ այրերուն,
ծուխ կը հանեմ հետ ամպերուն.
մեր ցաւ կու տանը հարաւ քամուն:»
Գընաց աշուն, եկաւ գարուն.
կաթէր ջըրիկ աղբիւրներուն,
կերթար լըցուէր բարակ առուն.
ծըլաւ շուշան մեր սարերուն
փունջ մանուշակ մէջ ձորերուն,
կու գայ ձայնիկ նոր գառներուն:

1. Տատրակը ինչո՞ւ տխուր էր:
2. Ո՞վ մխիթարեց զայն եւ ի՞նչ ըսաւ անոր:
3. Ի՞նչու ձայեկն ալ չէր վախնար ձմեռէն:



ԿՈՐՍՈՒԱԾ ԶՄԵԼԻՆ

1

Գարեգին դպրոցի բակին մէջ զմելի մը գը-
տաւ ձերմակ փղոսկրէ կոթով, սիրուն, շատ-
սիրուն զմելի մը:

Գարեգին կը բանայ վայլուն շեղբը. կը
գոցէ, նորէն կը բանայ ու կը նայի վրան:

Շատոնց է որ կը վափաքէր զմելի մը ու-
նենար. իր բոլոր ընկերներն ալ ունէին մէկ մէկ

հատ, մինակ ինք չունի. ամէն անգամ որ մա-
տիտին ծայրը հանէ՝ իր ընկերոջ զմելին կուզէ:
«ինչպէս բանեցաւ
բաղդս», կըսէ Գարեգին,
ու զմելին կը դնէ գրպա-
նը, տուն կերթայ:

2

Իրկունը, Գարեգին
կը նստի դասերը սորվե-
լու. բայց, ատեն ատեն,
դուրս կելլէ, գրպանէն կը
հանէ զմելին, և գաղտուկ
գաղտուկ անոր վրայ կը
նայի:

Կը վախնայ որ մարդ
չտեսնէ. ինքզինք յանցաւոր կը զգար:

Յանցաւոր: Ինչո՞ւ համար:

Անոր համար որ, Գարեգին գիտէ թէ՝ այդ
զմելին անշուշտ դպրոցի տղոցմէ մէկը կորսըն-
ցուցեր է. գիտէ թէ՝ հիմա անոր տէրը տրտում
տխուր է:

3

Գարեգին, յանկարծ, գրպանէն կը հանէ զմե-
լին ու մայրիկին կը ցուցնէ.

— Տես, մայրիկ, ինչ աղուոր զմելի մը գտա-
յամօր. իր տիրոջը տամ, այնպէս չէ:

— Անշուշտ, անշուշտ, զաւակս, կըսէ մայ-



բիկը վաղը առտու, կը տանես, քու ուսուցչիդ
կու տաս, որ ան ալ տէրը գտնէ ու անոր յանձ-
նէ: Տեսնաս ի՞նչպէս պիտի խնդայ կորսնցնողը՝
երբ իր կորուստը գտնէ:

Միւս օր, առտուն, Գարեգին կը տանէ զմե-
լին և կը յանձնէ ուսուցչին:

— Շատ լաւ, տղաս, կըսէ ուսուցիչը. հար-
ցընենք, տեսնենք որունն է:

1. Գարեգին ինչո՞ւ գաղտուկ գաղտուկ կը նայէր զմելին վասյ եւ
ինչո՞ւ յանցաւոր կը զգար ինքնինք:
2. Մայթէկը իրեն ի՞նչ պատուիրած էր:
3. Գարեգին լա՞ւ բան ըրած էր որ զմելին շուտով եթ մայթիկն ցայց
չէր տուեր:



ՀՐԱՇԱԼԻ ՀԱՏՈԿԸ

1

Կըլլայ չըլլար, այրի կին մը. կունենայ մէկ
հատիկ տղայ մը, անունը վահագ:

Օրուան մէկը, մալրը կըսէ.

— Գնա, ամբարէն ալիւր բեր, հաց եփեմ:
Վահագ կերթայ, կը քերէ ամբարին տակը
և կը բերէ եղած ալիւրը: Դուան առջն, դէմը
կելէ հիւսիսային քամին, կը ցրուէ ալիւրը, կը
ցանէ չորս դին:

Վահագ շատ կը բարկանայ քամին դէմ.
Կուգայ մօրը կը պատմէ անոր ըրածը:

— Մայրիկ, կըսէ, մնաս բարով. ես կերթամ
քամիին ալիւրս ուզելու:
Կըսէ ու կերթար:

2

Կերթայ, կերթայ, կը հասնի քամիին ցուրտ-
ցուրտ պալատը:

Քամին պաղ-պաշն կը հարցնէ.

— Ինչ կուզես ինձմէ, էյ տղայ:

— Ի՞նչպէս թէ ի՞նչ կուզեմ, եկեր եմ ա-
լիւրս ուզելու: Դուն ցրուեցիր մեր ալիւրը, ա-
նօթի թողուցիր մայր ու տղայ. Ետ տուր ալիւ-
րը. մինչև չտաս, այս տեղէն չեմ շարժիր:

Քամին կը մտածէ, կը մտածէ, կը դառնայ
կըսէ տղուն.

— Ես ալիւր չունիմ որ ձեզի տամ. բայց
ալիւրի տեղ՝ ուրիշ բան մը կու տամ: Կու տամ
քեզի հրաշալի, աննման հատիկ մը: Տար, ցանէ
և միշտ հաց կունենաս:

3

Տղան վերցուց հատիկը, եկաւ տուն, ցանեց
իրենց բակը: Օր մըն ալ, տեսաւ՝ որ բակը կա-
նաչ արտ է դարձեր: Բուսեր են ցողուններ, ա-
մէն մէկ ցողունի վրայ հարիւր հասկ, հասկերը
լեցուն հատիկներով:

Վահագ հաւաքեց հունձքը, ալիւր շինեց,
մայրն ալ հաց եփեց. կերան, կշտացան մալր ու
տղայ:

Միւս տարին, Վահագ մեծ արտ մը վարեց, ցանեց. դարձեալ արատ հունձք առաւ:

Հարստացաւ Վահագ: Մայր ու տղայ աղուոր տուն մը շինեցին, և հանգիստ, հանգիստ կապրէին:

4

Օր մը որ Վահագ իր կալը կը հանէր, աղքատ այրի կին մը եկաւ, և ափ մը ցորեն ուղեց:

— Որբերս անօթի են, քիչ մը ցորեն տուր, տանեմ, ալիւր աղամ և կշտացնեմ անտնց փորը:

Վահագ վոնտեց այրին:

Այդ ատեն, վրայ հասաւ հիւսիսային քամին-փչեց, ցրուեց ցորենի դէզերը, և պոռաց Վահագին ականջին.

— Անպիտան տղայ, ես քեզի այսքան բարիք տուի որ՝ մինակ ուտես. դուն հարստացար և ուրիշներուն չես օգներ: Ա'լ ցորենի երես չես տեսներ. ինչ որ ցանես՝ պիտի փճացնեմ:

Վահագին շունը լացաւ ու ըսաւ.

— Քամի, քամի, գոնէ ինծի խղճա. հապա ես ինչ ընեմ, ես ինչ ուտեմ...:

— Լա՛ւ, որ այդպէս է, ըսաւ քամին, քու բաժինդ կը թողում. դուն ալ քու բաժինէդ մաս հանէ քու տիրոջդ:

Այն օրէն ասդին, ցօղունին վրայ մէկ հասկ բուսաւ. և Վահագ այդ հասկն ալ անմսաս չէր

բերեր տուն: Շատ անգամ, քամին կը փչէր՝ գետնին կը կացնէր ցորենը. շատ անգամ, ցանուածին կէսն ալ չէր անցներ Վահագին ձեռքը:

1 Ցորենը ցանելէ առաջ, նախ ի՞նչ պէտք է ընել արտը:

2 Ցորենը ցանեցինք. մինչեւ որ հաց շինենք, ի՞նչեր պէտք է ընենք. պատմեցէք:



Զ Ի Ն

1

Անգամ մը, կոռուի մէջ, արար ցեղապետ մը գերի բռնուեցաւ:

Ցեղապետը վէրք էր առեր թեւէն. թըշ-նամիները կապեր էին զինք ուղտի մը վրայ, և կը տանէին իրենց հետ:

Գերի բռնած էին նաև ցեղապետին ձին, որ ազնիւ նժոյգ մըն էր:

Գիշերը, պառկեցան ամէնքը անապատին մէջ:

Գերիներուն և ցեղապետին ալ ոտքերը կապած էին կաշիէ փոկերով, որ չըլայ թէ փախչին:



Ցեղապետին քունը չէր գար. սաստիկ կը ցաւէին իր վէրքերը:

Ցանկարծ, խաւարին մէջէն լսեց նժոյզի մը խրխնջիւնը:

Ցեղապետը ճանչցաւ իր ձիուն ձայնը. «Երթամ, անգամ մըն ալ տեսնեմ իմ սիրելի կենդանիս», ըսաւ:



Երեսի վրայ քսուելով, սողալէն-սողալէն՝ գնաց մինչև իր նժոյզին քով:

Մօտեցաւ անոր և ըսաւ.

— Իմ ազնիւ երի վարս, դո՞ւն ալ ինծի պէս բանտարկեալ պիտի ըլլաս: Քե'զ ալ զերի կը տանեն ահա: Ա'լ ով քեզի ուղտի կաթ պիտի խմցնէ, ա'լ ով քեզի ափով գարի պիտի կերցնէ: Անապատին մէջ չպիտի սուրաս հովին պէս, և

պիտի ըլլաս ինծի նման թշուառ: Բայց, ո'չ. եթէ ես զերի եմ, գոնէ դուն ազատ եղիր. թոփ'ր, վերադարձիր իմ վրաններս, գնա' կանգ առ անոնց առջև, գլուխդ ներս երկնցուր և լզէ իմ փոքր զաւակներուս ձեռքերը . . . :

Ցեղապետը ակռաներով քակեց նժոյզին պարանէ ոտնակապերը:

Կենդանին ազատ եղաւ. բայց, տեսաւ որ իր տէրը վիրաւորուած է և անոր ոտքերը շղթայակապ են: Գլուխը ծոեց, հոտոտեց իր տէրը, և խածներով անոր կաշիէ գօտիէն՝ սկսաւ քառասմբակ արշաւեր:

Հասաւ տիրոջը վրանները. վար դրաւ իր տէրը՝ աւագներուն վրայ, անոր կնկանն ու դաւակներուն առջև. բայց, ինք ալ, անմիջապէս, ինկաւ գետին ու անշնչացաւ՝ յոգնութենէն.

Մեռաւ ազնիւ կենդանին. բայց մարդիկ լացին իր վրայ, և իր պատմութիւնը աւանդեցին բերնէ բերան:

1. Արաբները ո՞ւր կը բնակին եւ ի՞նչ տեսակ ժողովուրդ են:
2. Ի՞նչ ըրաւ ցեղապետը երբ իր ձիուն իրինչիւնը լսեց:
3. Զին ի՞նչպէս հասկցաւ թէ եր տէրը գերի է բռնուած:
4. Ի՞նչպէս ազատեց իր տէրը եւ ինք ի՞նչ եղաւ:
5. Զին կը խրինչայ, հապա է՞շը, կո՞վը, ա՞յծը, շո՞ւնը, կատուն, . . .



ՄԿԱՆ ՄԱՀԸ

1

Ճնճուղն ու մուկը աղբար եղան։ Գետին
ափը բոյն շինեցին, մտան մէջը։

Օր մը ճնճուղը գնաց հողը փռտելու, ետ
եկաւ, տեսաւ որ Մուկը մեռեր է։ Ծնկանք
պարկաւ.

— Վայ, աղբա՛ր, վայ . . .

Եօթը ճամբուն մէջտեղ նստեցաւ, հողը
քորեց, զլխուն թափեց.

— Վայ, աղբա՛ր, վայ։

Զայնին վրայ լորիկն եկաւ.

— Էյ իմ ճնճուղ նախշուն փետուր,
հողը ինչո՞ւ զլխուդ կու տաս։

— Թըր՛ւ, թըր՛ւ, ճնճուղն ըսաւ,
ես որ չի տամ, ով տայ հապա.

մըկան նըման աղբար մեռաւ,
աշխարհքն այսպէս անտէր մընաց.
Ես որ հողը տամ իմ զըլխուս
մեծ բան է . . .

— «Ափս՛ս, ափս՛ս, ըսաւ լորը,
«մըկան նըման մարդը մեռաւ։»
Ըսաւ, իրեն այնքան զարկաւ
որ կոտրեցաւ մէկ թեւիկը
ու վար ինկաւ։

2

Ծառը ըսաւ.

— Լորիկ քուրիկ, ճըտճըտուրիկ,
ինչու ես մէկ թեւըդ կոտրեր։
— Ինչպէս հապա ես չը կոտրեմ.
մըկան նըման մարդը մեռաւ,
աշխարհքն այսպէս անտէր մընաց։
Ճընճուղը հող կուտայ գըլխուն,
ես որ իմ մէկ թեւս կոտրեմ՝
մեծ բան է . . .

— «Ա՛խ-վախ, ա՛խ-վախ, պուաց ծառը.
մըկան նըման մարդը մեռնի . . .»
Փընաց եկաւ, գընաց եկաւ,
իր ճիւղերը զարկաւ իրար,
ջարդեց, մընաց ճըղակոտոր։

3

Քարերն ըսին։

— Ծառիկ-մառիկ, կանանչ թառիկ,
ճիւղերդ ինչու վար թափեցիր։
— «Վայ, ձեր տունը Աստուած շինէ,
մըկան նըման մարդը մեռա՛ւ,
աշխարհքն այսպէս անտէր մընաց.
Ճընճուղն այն տեղ հողը գըլխուն,
լորը իրեն թեւը կոտրած,
Ես որ թափեմ իմ ճիւղերս՝
մեծ բան է . . .

— «Հազար ափսոս, քարերն ըսին,
մըկան նըման մարդը մեռաւ.»
ու գուալէն, գուգըռալէն՝
գըլորուեցան լեռներն ի վար
ու թափուեցան ջըրերուն մէջ:

4

Ջըրերն ըսին.

— Ի՞նչ է եղեր, Էյ խենդ քարեր,
չէ որ ձեր տեղն անշարժ էիք,
ինչու այսպէս վար կը թափիք:
— Ալ ի՞նչ անշարժ, չէք ըսեր որ
մըկան նըման մարդը մեռաւ,
աշխարհն այսպէս անտէր մնաց.
ճընճուղն այն տեղ հողը գլխուն,
լորիկն իրեն թեւը կոտրած,
ծառը մընած ճըղակոտոր,
մենք մեր տեղէն որ գլորուինք
մէծ բան է...

— «Հէյ-վախ, հէյ-վախ, ի՞նչ իմացանք,
մըկան նըման մարդն ալ մեռնի...»
Ջըրերն ըսին, խառնուեցան,
ու վաղեցին պըղտոր-մըղտոր:

5

Ան կողմերէն տըքտըքալով
Պառաւն եկաւ: Աս որ տեսաւ.
— Էյ գըլգըլան ջըրեր, ըսաւ,

դուք պարդ էիք ու միշտ զուլաւ,
ինչու այսօր պըղտորեցաք:
— Վայ քու տունդ փըլի, պառաւ,
դուն չես լսեր՝ ի՞նչ է եղեր.
մըկան նըման մարդը մեռաւ,
աշխարհն այսպէս անտէր մընաց.
ճընճուղն այն տեղը հողը գլխուն,
լորը իրեն թեւը կոտրած,
ծառը ճըղակոտոր,
քարերը վար դիտոր-մըլտոր,
որ մենք այսպէս դառնանք պըղտոր՝
մէծ բան է...

— «Հողն իմ գըլխուս, պառաւն ըսաւ,
մըկան նըման մարդը մեռնի...»
զարկաւ գըլխուն, մազը փետտեց,
երեսն ըրաւ արիւնլըռուայ,
ու գըլխաբաց գեղը վագեց:

6



Գեղացիք որ տեսան՝ ըսին.
— Պառաւ մայրիկ, ի՞նչ է եղեր,
ինչու երեսդ արիւնլըռուայ:
— Վայ ես քօնամ, մի՛ հարցընէք.
մըկան նըման մարդը մեռաւ,
աշխարհն այսպէս անտէր մընաց.
ճընճուղն այնտեղ հողը գլխուն,
լորը իրեն թեւը կոտրած,
ծառը եղած ճըղակոտոր:

քարերը վար գըլտոր-մըլտոր,
ջըրերն ամէն հող ու պըղտոր,
եռ որ երեսս արիւնոտեմ՝
մեծ բան է . . .

— Ափսո՞ս, ափսո՞ս, հազար ափսո՞ս,
որ այն տեսակ մարդը մեռաւ . . .»
Ափսոսացին ան գեղացիք,
սեեր հազան, սուզ նստեցան:

7

— Վայ, ո՞վ ըսաւ, ո՞վ ըսաւ . . .
— Հողը-գլխուն ձընճուղն ըսաւ,
թեր կոտրած Լորիկն ըսաւ,
ճըղակոտոր Ծառը ըսաւ,
գըլտոր-մըլտոր Քարիկն ըսաւ,
Պըղտոր-մըղտոր Զըրիկն ըսաւ,
գըլուխը բաց Պառաւն ըսաւ.
մեր Մկնիկը մեռեր է . . .
ալ ո՞վ մընաց այս աշխարհքը,
ալ ի՞նչ ապրինք այս աշխարհքը . . .



ՈՍԿԻՒՆ ԿԱՐԱՍԸ

1

Ես մեր ծերերէն եմ լսեր, մեր ծերերն ալ
իրենց պապերէն, անոնց պապերն ալ իրենց մե-
ծերէն՝ թէ ժամանակով աղքատ հողագործ մը
կար. այս հողագործը ունէր մէկ օրավար հող և
մէկ լուծ եղ:

Զմեռը, աղքատ հողագործին եզները սատ-
կեցան: Գարունը, վար ու ցանի ատեն, եզ չու-
նէր որ վարէր, ուստի՝ հողը վարձով տուաւ իր
հրացիին:

Այս դրացին, վարելու ժամանակ, կը տեսնէ
որ խոփը բանի մը կը դպնայ: Կը ծոի, հողը մէկ

կողմ կընէ, և կը գտնէ կարաս մը ոսկի։ Եզները լծուած կը թողու, կը վազէ զիւղը՝ հողատիրո՞ջ քով, և կըսէ.

— Ա՛չքդ լոյս, դրա՛ցի եղբայր. հողիդ մէջէն կարաս մը ոսկի դուրս ելաւ, եկուր տար։

— Զէ, աղբա՛ր, այդ ոսկին իմս չէ, կը պատասխանէ հողատիրը։ Արտին վարձքը դուն ես տուեր, դուն ես վարեր, ուստի հողին մէջէն ինչ որ դուրս գալ՝ քու հալալ հախտ է. հոսկի է դուրս եկեր, թող ոսկի ըլլայ, դարձեալ քուկդ է։

Կը սկսին վիճիլ. չեն համաձայնիր և կերթան թագաւորին մօտ գանգատի։

Թագաւորը կարաս մը ոսկին ձայնը կը լսէ թէ չէ, աշքերը չորս կը բանայ և կըսէ.

— Ո՛չ քուկդ է, ոչ ալ անորը. ոսկին իմ հողիս մէջէն է ելեր, իմս է։

Մարդ կառնէ հետը և կերթայ որ հանէ բերէ. կերթայ, բայց ինչ տեմնայ աղէկ. կարաս մը՝ մինչև բերանը լեցուն օձ...։ Թագաւորը զարհուրած ետ կը դառնայ։

2

Թագաւորը հրաման կընէ որ պատժեն խաբերայ գեղացիները։

— Զէ, թագաւոր, ապրա՛ծ կենաս, կաղաչեն խեղճերը. մեզ ինչո՞ւ կը պատժես. լաւ չես տեսը, օձ չի կայ այն տեղ, ոսկի է, ոսկի...։

Թագաւորը նոր մարդ կը խրկէ՝ որ երթան,

անգամ մըն ալ ստուգեն։ Մարդիկ կերթան և լուր կը բերեն թէ իրաւ ոսկի' է։

Շատ կը զարմանայ թագաւորը, և ինքնիրեն կ'ըսէ. «գուցէ աշքերս լաւ չտեսան կամ տեսածս այն կարասը չէր»։ Վեր կը կենայ և անգամ մըն ալ կերթայ։

Կը բանայ կարասը, — դարձեալ մէջը լեցուն օձ,

Աս ինչ հրաշք է, կըսէ թագաւորը, չեմ հասկնար,

3

Խորհուրդի կը հրաւիրէ իր երկրին իմաստունները։

— «Բացատրեցէք, — կը հրամայէ իր իմաստուններուն. այս երկու մարդիկը, իրենց հողին մէջ, կարասով ոսկի են գտեր. ես որ կերթամ՝ կարասին մէջ օձ կը գտնեմ, ասոնք որ կերթան՝ ոսկի կը գտնեն. ինչ է ասոր գաղտնիքը։

— Եթէ չես բարկանար, բացատրենք, թագաւոր ապրած, կըսեն իմաստունները; Կարասով ոսկին՝ աղքատ հողագործներուն արդար աշխատանքին համար է խրկուած. երբ անոնք կերթան՝ իրենց վարձքին կերթան և միշտ ոսկի կը գտնեն. իսկ երբ դուն կերթաս, կերթաս ուրիշին իրաւունքը յափշտակելու, անոր համար՝ ոսկիի տեղ օձ կը գտնես։

Թագաւորը իրաւունք կու տայ իմաստուններուն, և դառնալով կըսէ հողազործներուն.

— Տէ՛, հիմա զացէք, տէր եղէք ձեր իրաւունքին և ներկու եղբօր պէս հաշտութեամբ բաժնեցէք զանձը ձեր մէջ:

1. Ինչո՞ւ գիւղացիները երբ կարասին վրայ կերթային, ոսկի ԿԵ գտնէին, իսկ երբ թագաւորը կերթար՝ օչ կը գտնէր:
2. Ո՞վ պէտք է վայելէ աշխատութեան արդեւնքը:



ՔԱՄԻՆ ՈՒ ՄԱՐԱԳԸ

Թամին վազեց արագ արագ,
կեցաւ, պոռաց. — «մարա'գ, մարա'գ,
զիտե՞ս թէ ի՞նչ ուժի տէր եմ,
բա'ց դուռըդ որ քեզ յարդ բերեմ»

Մարագն ըսաւ. — «Գինա' բանիդ,
ես կարօտ չեմ քու դարմանիդ.

յարդդ քեզի, զօրաւո'ր տէր,
իմ դարմանս դուն մի' տանելու».

1. Քամին ի՞նչ ըսաւ մարագին:
2. Մարագը ի՞նչ պատասխանեց:
3. Ինչո՞ւ այդպէս պատասխանեց:



ՈՎԿ ԿԸ ՇԻՆԷ ՄԵՂՐԸ

Ուսուցիչը հարցուց աշակերտներուն.

— Գիտէ՞ք, մանուկներ, ով կը շինէ՝ մեղրը:
Ամէնքն ալ միաբերան պոռացին. — «Մեղր»:

— Շա'տ լաւ, բայց գիտէ՞ք թէ քա՛նի տեսակ
մեղրու կայ, և ո'վ է բուն մեղրը շինողը:


Տղաքը լոեցին, որովհետև չէին գիտեր:
Այն ատեն, ուսուցիչը ըստաւ.

— Տէ՛ ուրեմն, մտիկ
ըրէք որ ըսեմ ձեզի:
Մեղրուները երեք
տեսակ են:

Կայ մայր թագու-
հին՝ որ միայն հաւկիթ
կածէ և ձագեր կը բերէ:
Կան արու մեղու-
ները՝ որ փեթակին վը-
րայ կը հսկեն:

Կան նաև գործաւորները՝ որ ծաղիկներուն
հիւթը կը ծծեն, մեղր ու մեղրամոմ կը պատ-
րաստեն, և ունին սուր խայթոց:

Տղաքը մտիկ կընէին:
— Բայց, գիտէ՞ք, տղա՛ք, մէկ փեթակի մէջ
միայն մէկ հատ մայր թագուհի կայ. երբ ուրիշ
մըն ալ ծնի, այն ատեն, ներսը մեծ բզզիւն մը



Մոյր բազանի

կը լսուի. հին մայր թագուհին, իր հետ առնելով
արու մեղուներ և գործաւորներ, կը ձգէ կը հե-
ռանայ, կերթայ ուրիշ տեղ՝ նոր փեթակ կազմելու:

— Այս, այն, ըսին մանուկները. գիւղացիները
այդ բանին կըսեն թէ «մեղուն պարս տուաւ»:

— Ճիշտ է, ըսաւ ուսուցիչը: Այսպէս, մեղու-
ները բիշ տարիներու մէջ կը բազմանան:

Մենք մեղուներու մեղրը կուտենք, մոմը
կը վառենք և ուրիշ բաներու կը գործածենք:

Մեղուն օգտակար միջատ է, և գիւղացինե-
րուն համար շահաբեր:

1. Քանի տեսակ մեղու կայ:
2. Ի՞նչ կընէ մայր թագուհին:
3. Ի՞նչ կընեն արու մեղուները:
4. Ի՞նչ կընեն գործաւորները:
5. Մեղուն ինչո՞ւ օգտակար միջատ է:



ԱՅՈ ԵՒ ՈԶ

Այսն պղտիկ աշխուժ աղջիկ մըն էր, աչ-
քերը ժպտուն, շրթունքները ժպտուն, քիթը
դողոջուն:

Երբ մայրիկը կըսէր. «Երեսդ լուա՛, զգեստ-
ներդ մաքրէ», — աղջիկը իսկոյն կը պատասխանէր.

— Այս, այն, մայրիկ:

Անոր երեսը միշտ մաքուր էր, մազերը սան-
տըրուած, զգեստները առանց կեղտի:

Ոչը պղտիկ դանդաղ տղայ մըն էր, յօնքերը
կախ, աչքերը մուայլ և շրթունքները ուռած:
Երբ մայրիկը կըսէր. «Երեսդ լուա՛, զգեստ-
ներդ մաքրէ», — տղան կը պատասխանէր.

— Ո՛չ, չեմ ուզեր, ոչ:

Անոր երեսն ալ մրոտ էր, մազերն ալ խառն
ի խուռն, լաթերն ալ փոշոտ:

Երբ մայրիկը կըսէր Այոին. «Գնա՛, թաշկի-
նակս բեր», — աղջիկը կը կանչէր. «Այս մայրիկ,
հիմա՛»: Եւ կը վագէր, կը բերէր թաշկինակը:

Ոչը երբեք մեծերուն խօսքը չէր կատարեր:
Երբ հայրիկը կըսէր. «Գնա՛, ջուր մը բեր», անի-
կա ուսը վեր կը քաշէր և կը մրթմրթար. «Ո՛չ,
չեմ երթար, ոչ»:

Ճաշի ժամանակ, երբ մայրիկը կըսէր Այոին՝
«անձեռնոցը վրադ կապէ, նստիր կերակուրդ
կեր», — աղջիկը կըսէր. «Այս, այն, մայրիկ. ա՛խ,
աս ի՞նչ լաւ կերակուր է»:

Խոկ երբ Ոչին կըսէին «անձեռնոցդ կապէ,
կերակուրդ կե՛ր», — կոշտ ու կոպիտ կը պոռար.
«Ո՛չ, չեմ կապեր: Էօֆ, աս ի՞նչ գէշ կերակուր է»:

Երբ կը մթնէր ու մայրիկը ճայն կու տար
Այոին, «Ժամանակ է, լաթերդ հանէ ու պառ-
կիր», աղջիկը իսկոյն ոտքի կելլէր ու կըսէր.
«Այս, այն, երթամ պառկիմ: Բարի գիշեր, հայ-
քիկ. բարի գիշեր, մայրիկ»:

Իսկ Ոչը երբեք առանց լացի չէր երթար քնանալու. ոտքերը գետին կը զարնէր, կը յամառէր: «Ո՛չ, չեմ պառկիր. ոչ, չեմ քնանար»: Ու կու լար, կը պոռար. զօրով կը հանէին լաթերը ու կը պառկեցնէին:

Ու երբ Ոչը տեղ մը հիւր երթար ու դուռը զարնէր, զինք տեսնելով, ներսէն կը պատասխանէին. «Ո՛չ, ո՛չ, այսօր մենք գործ ունինք», և շուտով դուռը կը փակէին երեսին:

Իսկ երբ Այսն ըլլար դուռը ծեծողը, անմիջապէս կը բանային, դէմը կը վագէին, «Օ՛քարի եկար, բարի եկար, հրամմէ՛, հրամմէ՛» ըսելով ներս կը տանէին:



ԿՈՅՐԵՐՈՒ ԿԱՐԾԻՔԸ

Ցորեկ ատեն

խարխափելէն

չորս հատ կոյրեր, եկան դպան

փիղի մը մեծ հսկայական:

Մէկն որ մարմնին դպաւ ահեղ.

— Հէյ, ըզգուշ, պոռաց, պատ մը կայ այստեղ:

Միւսն որ ոտքն էր շոշափեր իր դէմ՝

— Ի՞նչ պատ, կոճղ է, կոճղ, ըսաւ ժպտադէմ:

Երբորդին ձեռքը կընճիթն էր ինկեր.

— Օ՛ձ է, օ՛ձ, գոռաց, ա՛լ ի՞նչ էք կեցեր:

Մինչ չորրորդը որ պոշէն էր բըռներ՝ քա՛հ քահ խնդալով կը կրկնէր անհոգ.


— Իրա՛ւ որ կոյր էք, աղբա՛րներ խելօք.

ո՛չ աս է, ո՛չ ան, կախուած թոկ է թոկ . . .

Ու պոռպըռուալով չորսն ալ մէկ բերան ինչպէս որ փիղին դէմն ելած էին,

այնպէս ալ կոյր-կոյր, կրկին ետ դարձան,

եւ լեռան նըման փիղը չի ճանչցան:



1. Ոռաջին կոյրը ինչո՞ւ պոռաց թէ «պատ մը կայ ատեղ»:

2. Երկրորդ կոյրը ինչո՞ւ «կոճղ է» ըսաւ:

3. Երրորդը ինչո՞ւ «օձ է» ըսաւ:

4. Չորրորդը ինչո՞ւ «կախուած թոկ է» պոռաց:

5. Կոյրերը քանի՛ բանի նմանցուցին մէկ փեղը:

6. Վերջը գերջը գետաց թէ փիղ է: ինչո՞ւ:

ԿԱՂԱՆԴԻՆ ՕՐԸ

Կաղանդ պապան եկաւ և ինչեր, ինչեր բերաւ Տիգրանիկին։ Հայրիկը, հօրքոյրը, մեծ մայրը, մօրաքոյրը, մայրիկը ամէնքն ալ, աղուոր աղուոր կաղանդէքներ տուին անոր։



պատկերազարդ գիրք մը. մօրաքոյրը՝ կապոյտ աջքերով, դեղձան մազերով տիկին մը.

Ախ, ինչքա՞ն, ինչքա՞ն ուրախ է Տիգրանիկինստեր է սեղանին առջև, անոր վրայ շարեր է իր նուէրները և կը խաղայ։ Բոլորն ալ իրենն են, մինակ իրենը։

Ահա, իր պատուհանին տակէն կանցնի դրացիենց Մանուկը։ Մանուկը կաղանդչէք չունի. անոր մայրիկը մեռած է և հայրիկն ալ աղքատ է։

Մանուկ պատուհանէն ներս կը նայի, և կը դիտէ Տիգրանիկիննուէրները։

Տիգրանիկ մէկիկ մէկիկ կը հանէ իր խաղալիկները, կը ցուցընէ իր պաստեղն ու շամիչը, իր փայտէ ձին ու տիկինը. կը ցուցընէ ու մտքէն կըսէ. «Մանուկը թող տեսնէ թէ ես ինչքան գեղեցիկ բաներ ունիմ»։

Բայց, Տիգրանիկին մայրիկը հոն է, և կամացուկ մը կըսէ իր զաւկին։

— Իմ անուշիկ տղա՛ս, տե՛ս, Մանուկը կաղանդչէք չունի. բարի տղաքը պէտք է որ ուրախացնեն իրենց ընկերները, Դուն ալ բարի եղիր, և խաղալիկներէդ մէկը տուր Մանուկին։

Տիգրանիկ առաջին անգամ կը վարանի. բայց, իր սիրտը շատ բարի է։ Երբ կը տեսնէ որ մայրիկը չամիչ ու նուշ կը լեցնէ Մանուկին գրպանները, ինք ալ կասնէ իր խաղալիկներէն մէկը, տիկինը, և կերկնցնէ Մանուկին։

1. Կաղանդին դուն ինչ նուէրներ ստացար։

2. Ի՞նչ ըրաւ Տիգրանիկ Մանուկին։

3. Ի՞նչ պէտք է ընեն բարի մանուկները։



ՑՈՐԵՆԻ ՀԱՏԻԿԸ

1

Դեկտեմբերի մէջ էր: Ծառերը սառեր էին, և տրտում տխուր վեր կը բարձրացնէին իրենց չոր ճիւղերը: Երկինքը դարձեր էր մոխրագոյն, և ձիւնը կու գա՞ր, կու գա՞ր անհատնում: կու գար, կը ծածկէր գետինը:

Գեղացի փոքր աղջիկ մը դուրս ելաւ իրենց տունէն և դպրոց կերթար:

Ամէն առտու, կը քալէր գաշտին մէջի այդ ուղիէն:

Փոքրիկ աղջիկը կը քալէր չուզելով: սիրու նեղ էր: ցուրտէն կը մսէին ձեռքերը, կարմը-րեր էին երեսները: հազիւ թեւին տակ կը պա-հէր իր դասագրքերը, և ձիւնը կը ճարճատէր ուղերուն տակ:

Ճամբան երկար է և շատ դժուար, կ'ըսէր ինքնիրեն: Քանի անգամ տակաւին պիտի անց-նիմ դառնամ ասկէ: Ո՞ւր է արևը. ո՞ւր են ծա-զիկները. ե՞րբ պիտի գայ գարունը:

Եւ խեղճ աղջիկը կը քալէր տրտում տը-խուր: Արցունքի կաթիլ մը կախուեցաւ իր թար-թիչներէն:

2

Բայց ահա, կարծես ձայն մը կու գայ ա-կանջին: կը ծոի, մտիկ կընէ:

Զայնը գետնէն կու գայ, թեթև, քաղցր, երգի պէս անուշ, և կըսէ:

Ճուրտ է, ցուրտ է հողին տակ, բայց պիտի գայ արեգակ. պիտի գան տօն ու Զատիկ, տաքուկ օրեր ու ծաղիկ. լըսէ ինծի, այ աղջիկ: Ճուրտ է, ցուրտ է հողին տակ, բայց ես չեմ լար գըլխահակ. կերգեմ ուղախ, կըսպասեմ, որովհետև լաւ գիտեմ՝ պիտի գան տօն ու Զատիկ, արև օրեր ու ծաղիկ. հաւտա՛ ինծի, այ աղջիկ:

3

Աղջիկը խոշոր խոշոր կը բանայ աչքերն ու ականջները. չի համարձակիր առաջ երթալ: Վերջապէս կը հարցնէ.

— Ո՞վ ես դուն: — Յորենի հատիկ, կը պատասխանէ քնքուշ ձայնը:

— Ի՞նչ կընես հոտ: — Երկու ամիս է որ երկրագործին ձեռքը ձգեց զիս այս ծակին մէջ, և կը կենամ այս մութ տեղը:

— Դուն չի լացի՞ր բնաւ: — Երբեք:

- Հիմա ալ չե՞ս ուզեր որ լաս ինծի հետ:
- Ոչ, ինչո՞ւ լամ. ամօթ է լացը. կտրիճ
մարդը չի լար:

Յորենի հատիկը նորէն սկսաւ երգել իր երգը։
Այդ երգին մէջ, ըսաւ թէ՝ ահա դպրոցին
զանգակը կը հնչէ, շուտով դասերը պիտի սկսին,
պէտք է աճապարել և դասէն ետ չմնալ:

Աղջիկը, ինք ալ, կը լսէ զանգակին ձայնը.
կը սրբէ արցունքը, կը փառէ դպրոց։

4

Զմեռը շուտո անցաւ. ահա կարմիր արեւը կը
փայլի. ցորենի հասկերը կանչցեր են. եկած է
Զատիկը, թոշունները կը ճըլուըլան ու թիթեռ-
նիկները զիրար կը հալածեն՝ թուփերուն վզայ։

Գարուն է։ Յորենի հատիկը դուրս ելած է
հողին տակէն. մութ տեղը փակուած առաջուան
տըժգոյն բանտարկեալը չէ. հպարտ ցողուն մըն
է հիմա, որ վեր կը բարձրանայ ու կը խնդայ
արեւին երեսը։

Աղջիկը կը ճանչնայ ցորենի հատիկը, կը
ժպտի ու կըսէ.

— Իրքա՞ն իրաւունք ունիս եղեր, կանաչ
ցորեն. ես ալ քեզի պէս կտրիճ եղայ և ա'լ չեմ լար։

1. Որո՞նք են ձմեռուան ամիսները։
2. Դեկտեմբերին մէջ ինչ է՞ս կըլլան ծառերը, երկինքը եւ ճամ-
ռաները։
3. Ինչո՞ւ տիսուր էր փոքրիկ աղջիկը եւ ի՞նչ բանի դէմ կը գանգատէր։
4. Ի՞նչ երգեց ցորենի հատիկը եւ ի՞նչ ըսաւ փոքրիկ աղջիկին։



Ի՞ՆՉ ԿԱՅ, Ի՞ՆՉ ԿԱՅ

1

Բաղերը կը լոգնային տղմուտ ջուրին մէջ.
կը լոգնային ու կը կոկըռալին։

— Ը, կը լսե՞ս, աս ի՞նչ ձայն է, հարցուց
անոնցմէ մէկը իր ընկերոջ։

— Զարմա՞նք. ալսքան խոշոր ձայն լառած
չէր այս ճահիճին մէջ. անպատճառ մեծ բան մը
պատահած է, ըսաւ միւսը։ Երթանք անգամ մը
տեսնենք։

Ու երկու խելոք բաղերը, կոկուլէն-կոկու-
լէն, աճապարանքով սկսան լողալ առուն ի վար։

Միւսները որ տեսան իրենց ընկերներուն
լողալը, խորհեցան թէ՝ անշուշտ առատ ճճիներ
գտած են, ուստի խումբով սկսան, իրենք ալ,
փաղել անոնց ետեւէն։

2

Վայնասուն մըն է փրթաւ առուին վրայ.
կոկուրք, իրարանցում,
աղմուկ։

Ծեր բաղ մը անոնց
դէմ ելաւ.

— Ճանը՛մ, ըսաւ, բան
չի կայ, բան չէ պատահեր.
եղածը սա է որ ծառին մէկ ճիւղը կոտրելով
առուին մէջ է ինկեր։



Լսողը ով. մէկը հարցում կընէ, հազարը պատասխան կու տայ. կը շաղակրատեն, կը պոռան, իրար կը հրեն ու կը լողան. կարծես թէ երկինքէն լուսնկան փրթեր ու առուին մէջ է ինկեր:

3

Կուռիթ մը իր տասը ձագերը ետին ձգած,
առտուան պտոյտը
կընէր. լսեց բագերուն աղմուկը՝ և
տեսաւ անոնց արագ արագ լողալը առուն
ի վար. զարմանքէն աչքերը խոշոր խոշոր
բացած, կանգ առաւ:

— Դուք հանդարտ մը կայնեցէք սա պատին
ետե, երթամ տեսնեմ թէ ինչ է պատահեր,
ըստ իր ձագերուն. չըլլալ թէ կտկտաք, չըլլայ
թէ ձեր տեղէն շարժիք, մինչեւ որ գամ:

4

Հովիւին գամբոը, քիչ մը հեռուն, արեւին
տակ կը քնանար. ինք ալ
յանկարծ արթնցաւ աղմուկէն: Ոտքի ելաւ. ականջները տնկեց, մէյ մը հաջեց դէպի առուին կողմը, և նետի պէս թռաւ այն ուղղութեամբ:



Շանը վազելը տեսնելով, Գզիրին կոմի ալ
պլուխը խոտէն վեր առաւ.
«Չունը անշուշտ բան մը
գիտէ որ կը վազէ» ըսելով՝
սկսաւ ինք ալ ոտքերը
վերցնել. հեռուէն լսեց որ
Քէհեային ձին կը հարցը-
նէ շանը.

— Ի՞նչ կայ, ի՞նչ կայ:

— Զեմ գիտեր, պատասխանեց շունը. չես
լսեր աղմուկը. երթամ տեսնեմ ինչ է պա-
տահեր:

Ձին մօտեցաւ արօտի
ցանկապատին. նայեցաւ դէ-
պի առուին կողմը. բայց, ծե-
րացած, յոգնած, քիչ մըն
ալ ականջները խուլ ըլլա-
լուն՝ «բան չունիս, ինչ
կուզէ ան թող ըլլայ» ըսե-
նի, տեղէն շշարժեցաւ ու սկսաւ նորէն արածիլ:

5

— Լսեցէք, լսեցէք, պոռաց անծեզ մը մօ-
տիկ ծառին վրայէն՝ իր ընկերներուն:

— Ի՞նչ կայ որ, հարցուցին ընկերները
խոռված:

— Զէք լսեր, աղմուկ, իրարանցում. ան-
պատճառ կոիւ ըլլալու է: Տեսայ որ գամբոը



բոլոր ուժով կը վազէր. Գզիրին կարմիր, պառաւ կովս ալ, շունչը կտրած, անոր ետեւէն. ու դեռ ուղիղներ ալ, ամէնքն ալ այն կողմը կերթան:



— Կոա՛, կոա. մենք ալ երթանք, աղաղակեցին անձեղները. չէ՛, կենալ չըլլար, ետ մնալու չի գար,

Եւ ահա, անձեղները, կայծակի պէս՝ թռան ու ակնթարթի մը մէջ թառեցան առուին եղերքի ուռենիներուն վրայ:

6

— Զարմանալի՛ բան, ըսաւ ճնճղուկին մէկը. բոլոր ագռաւները գացին, հաւաքուեցան սա վարի կողմը. մեծ բան մը պատահած ըլլալու է. երթանք տեսնենք թէ ի՞նչ կայ:



Ճնճղուկն է թռաւ. թռաւ թէ չէ՛ իր հազարաւոր ընկերներն ալ, որ վանքին պարտէզը գողութեան մտած էին, ձգեցին պտուղները և վազեցին, ամպի պէս, իրենց ընկերոջ ետեւէն:

7

— Ի՞նչ իրարանցում է աս, ըսաւ ծերուկ

բուխճակ մը: Խնդիր մը կանցնի կը դառնայ՝ որ շեմ հասկնար: Չէ, աղէկ բան չերեւնար ինծի. եկէք, հաւաքուինը ու մեր զլիուն ճարը նայինք:

Ու բոլոր բուերը եկան, կարգով շարուեցան՝ վանքին զանգակատան մէջ:

— Զարդի պէս բան մը ըլլալու է, ըսաւ մէկը:

— Չէ՛, կրկնեց միւսը, բանակ մը որմնադիր է, որ կու զայ վանքին աւերակները շինելու. ո՛ւտ, բոյներուն ճարը:



8

Բայց, ճիշտ այն պահուն որ հովիւին գամբոը առուին եղերքը կը համնէր, արդէն երկու բազերը ետ կը դառնային, և իրենց ընկերներուն յայտնէր էին աղմուկին պատճառը:

Ծառին մէկ ճիւղը կոտրեր և ջուրին մէջ էր ինկեր:

Ու բազերը ձայներնին կտրած, խումբով կը վերադառնային դէպի ճահճը:

— Մ՞նչ էր պատահեր, կը հարցնէ գամբոը՝ խումբին ետեւը մնացած վերջին բազին:

— Բան չի կայ, բան չի կայ, կը պատասխանէ բազը:

— Հապա ի՞նչ էր այս բոլոր աղմուկին
պատճառը:

— Ոչի՞նչ բանի համար:

— Ոչի՞նչ բան, կը կրկնէ կուռթը՝ դառնալով
իր ձագերուն մօտ:

— Ոչի՞նչ բանի մը համար, կըսէ շունը՝
սիրտը սաստիկ նեղացած, որ պարապ տեղը քըր-
տինքի մէջ մտաւ:

— Ըստ թէ ոչինչ բան է եղեր, այսպէս
չէ, գամբո եղբայր, կը հարցնէ ծերուկ կովը,
սկսելով նորէն արածիր:

— Ի՞նչ կար որ, անոնց կը պոռայ ձին, ցան-
կապատին վրայէն վիզը երկնցնելով: Բան չի
կալ եղեր. աղէկ որ պարապ տեղը անհանգիստ
չըրի ես գիս:

— Ոչի՞նչ, ոչի՞նչ, կը ճշան ճնճղուկները՝
ի՞նչ խայտառակութիւն. այսքան մարդիկ հա-
ւաքուեցան պարապ աղմուկի մը երեսէն:

Ու կը թորին, դարձեալ, վանքին պարտէզը,
և կիջնեն տանձենիներուն վրայ:

— Եղածը ան է որ բան չի կայ եղեր, կը
պոռան նոյնպէս անծեղները:

— Բա՞ն չի կայ, կըսեն բուիճակները: Բայց,
կը վայելէր պարապ բանի համար այսքան աղ-
մուկ հանել. ամօթ, ամօթ: Ոստիկան չի կայ,
ի՞նչ է, այս երկրին մէջ...

Իսկ այս ամբողջ իրարանցումէն՝ մինակ
կատու մը գոհ էր մնացեր. որովհետև, տեսնե-

լով որ կուռթը չի կայ, անուշ էր ըրած անոր
ձագուկներէն երկու հատը,



ՀԵՂԵՂ

— Հեղեղ, հեղեղ, կը պոռային ամէն կող-
մէ. կը պոռային սարսափահար և կը փախէին
խենթերու պէս:

Յորդահոս գետը վլցուցեր էր վերի հողա-
բլուրը, և կը բերէր ցեխի ահազին լեռը գեղին
վրայ:

Կը ցնցուէր գետինը. տուները իրարու ետեւէ
կանհետանային. ծառերը կը կորսուէին. մարդ ու
կին, ով որ կըսար, կուգար, կը լեցուէր եկեղեցին:

Մեր տունը բարձրագիր էր:

Այդ ատեն, հայրս մոռցեր էր մեզ. զուրս էր
ելեր զլաբաց. կերթար հեղեղին մէջէն, մինչեւ
ծունգերը ցեխին մէջ խրած. կերթար՝ մանուկ-
ներն ազատելու ջուրին բերնէն:

— Մի՛ երթար, մի՛ երթար, կը պոռար մայրս:

— Թո՞ղ, կնի՛կ, մարդիկ օֆնութեան կը կան-
չեն, — կը հասկնա՞ս, մարդի՞կ:



ՄԱՆՈՒԿՆ ՈՒ ԶՈՒՐԸ

Ուրախ ձայնով, ամպոտ սարէն
ջուրն է կուգայ, կանցնի գեղէն:
Թուլիս մանուկ մը դուրս է վազեր,
ձեռքն ու երեսն է լըուացեր:

Լըուացեր է ձեռքն ու երես,
ու դարձեր է՝ խօսեր այսպէս.

— Դուն ՞ր սարէն կուգաս, ջըրի'կ,
իմ պաղ ջըրիկ ու անուշիկ:
— «Ես այն սարէն կուգամ մըթին,
որ հին ու նոր ձիւնն է գըլխին»:

— Դուն ՞ր առուն կերթաս, ջըրի'կ,
իմ պաղ ջըրիկ ու անուշիկ:
— «Ես այն առուն կերթամ զըուարթ,
ուր ափերն են շուշան ու վարդ»

— Դուն ՞ր այգին կերթաս, ջըրի'կ,
իմ պաղ ջըրիկ ու անուշիկ:
— «Կերթամ դալար ես այգին ան,
որուն տէրն է ժիր այգեպան»:



ԱՌԱՋԻՆ ԶԻՒՆԾԱՂԻԿՆԵՐԸ

1

Երկար, սպիտակ մօրուքով Ծերունին նըս-
տեր էր ու կը մտմտար: Մութ ու ցուրտ էր
անոր շուրջը:

— «Աշխարհիս մէջ մէկը չի կայ որ ինծի
չափ գործեր ըրած ըլլայ», կը խորհէր Ծերունին,
և մէկիկ մէկիկ կը համրէր իր գործերը:

Իր չորս կողմը ձայն-ձուն չի կար: Յանկարծ
աղմուկ մը եկաւ ականջին:

— Ի՞նչ աղմուկ է աս, ըսաւ: Զէ՞ որ ես ա-
մէն բանի լոռութիւն հրամայած եմ: Այս ձայները
նման են ջրի կարկաչին... բայց չէ՞ որ ջուրին
ալ հրաման տուած էի որ լոէ: Հապա սա շըշնւ-
կը, իրաւ որ կը նմանի թըռչուններու երգին...
բայց ես բոլոր թուչուններն ալ խրկած չէի՞ հե-
ռաւոր հարանը:

2

Ծերունին խօսքը բերանն էր դեռ, երբ
տեսաւ որ իր առջև կանգնած է ոսկեգանգուր
և բոսրաղէմ պատանի մը:

— Ո՞վ թողուց քեզ որ հոս եկար, — ըսաւ
Ծերունին:

— Մի՞ բարկանար, ալկ'որ. եկայ տեսնելու
քու գործերդ. ըսէ՞ նայիմ, ի՞նչ է բու ուժդ:

— Ես կը փշեմ գետինը և անիկա կը ծած-
կուի սառուցով, ըսաւ Ծերունին:

— Իսկ ես կը փչեմ սառոյցին վրայ և ա-
նիկա կը հալի, պատասխանեց Պատանին:

— Ես կը թափահարեմ գլուխս ու երկիրը
ձիւնով կը ծածկուի:

— Ես ալ որ թափահարեմ ոսկեհուր գան-
գուրներս, պայծառ կը ժպտի արեգակը ու կը
հալի ձիւնը:

— Ես կը հրամայեմ թոշուններուն՝ «լոե-
ցք, հեռացէք» ու անոնք իրենց թևերը բանա-
լով՝ կը թոփն հեռաւոր երկիրներ, լսաւ Ծե-
րունին:

— Իսկ ես կըսեմ. «թոշուններ, վերադար-
ձէք», ու անոնք կուգան, օդին մէջ կը թոշին
ու կերգեն, պատասխանեց Պատանին:

— Երբ ես սառոյցէ մատներովս դպնամ տե-
րեներուն, տեսնես թէ անոնք ամէնքն ալ ինչ-
պէս, սարսափահար, գետին կը թափին ծառերէն:

— Ես երբէք տերեկի թափիլ չեմ տեսեր-
ես տերեները միշտ կանաչ, մատղաշ և ուրախ
կը տեսնեմ, պատասխանեց Պատանին:

3

Ծերն ու Պատանին, այսպէս, խօսեցան ամ-
բողջ գիշերը. Ծերունին սկսաւ յոզնիլ, մինչդեռ
Պատանին հետզհետէ աւելի կը զուարթանար:

Բացուեցաւ լոյսը. վայլեցաւ արեգակը, ու
երկինքը լեցուեցաւ թոշուններու ուրախ ձայնով:

Պատանին հասկցաւ որ ամէնքն իմացած են
իր գալուստը. գարձաւ, որ մնաս բարով ըսէ
Ծերունիին:

Բայց Ծերունին չի կար...

Ծերունին չի կար. միայն, իր նստած տեղը
կերեւային մէկ քանի սպիտակ բիծեր, ձիւնի
վերջին մնացորդները:

Պատանին մօտեցաւ. ինչ տեսնէ աղէկ. ա-
նոնք ոչ թէ ձիւնի մնացորդներ էին, այլ սպի-
տակ ձիւնծաղիկներ, գարնան առաջին նշանները:

Գիտցա՞ք թէ ով էր Ծերունին և ով էր Պա-
տանին:

1. Ո՞վ էր Ծերունին եւ ո՞վ էր Պատանին:

2. Քսէք թէ ի՞նչ գործեր ըրած էր Ծերունին եւ ի՞նչ գործեր պիտի
ըներ Պատանին:



ԶՈՒԿԵՐԸ ԵՒ ԹՌՉՈՒՆՆԵՐԸ

Թոշունները օդին մէջ կը թոչին, որովհետեւ
թևեր ունին:

Զուկերը ջուրին

մէջ կը լողան, որով-
հետև լողակներ ունին:

Հազարաւոր տե-
սակ ձուկեր կան. կան
մանրերը՝ հազիւ մա-
տի մը չափ. կան խո-
շորները, որոնք տուներու չափ մեծ են, և կրնան-
իրենց կոնակով, նաւեր անգամ շրջել:



Աշխարհի ամէնամեծ կենդանին՝ կէտ ձուկնէ,
որ կապրի ովկիանոսին մէջ:

Բայց, ձուկերուն մէջէն ամէնէն վտանգաւորը՝ շնաձուկն է:

Շնաձուկը կատաղութեամբ կը յարձակիր մարդուն վրայ, բերնի մէկ հարուածով կը փրցնէ անոր թեւը, ոտքը, և այսպէս կտոր-կտոր ընելով կուտէ:

Զուկերը, երբ ջուրէն դուրս ելեն՝ անմիջապէս կը մեռնին:

Բայց, ձուկերն ալ, ատեն ատեն, ջուրին երեսը կելեն և իրենց խոփկներով օդ կը շնչեն:

Թոշուններ կան որ ջուրին մէջ լողալ գիտեն. օրինակի համար, բաղը: Այդ տեսակ թըռչունները կը կոչուին՝ ջրային թոշուն:

Ջրային թոշունները կրնանք ճանչնալ իրենց ոտքերէն: Նայեցէք բաղին ոտքերուն. անոնք ծածկուած են տեսակ մը թաղանթով, որպէսզի լողալու ատեն՝ կարող ըլլան ջուրը ետ հրել:




1. Թոշունները ինչո՞վ կը թոշին: 3. Զուկերը ինչ բանով օդ կը շնչին:
2. Զուկերը ինչո՞վ կը լողան: 4. Որո՞նք են ջրային թոշունները:
5. Ջրային թոշուններուն ոտքերը ինչո՞վ ծածկուած են:

ՀԱՅՐԵՆԱԿԱՆ ՏՈՒՆ

Այնտեղ ուր հովը կը խաղայ ազատ ու գետն աղմուկով կերթայ, կանգ չառներ, այնտեղ իր բարի մօր հետ խանդակաթ՝ անհանգիստ ու խենթ տըղայ մը կապրէր՝ մութ խըրճիթի մէջ,
հին խըրճիթի մէջ՝
գետին եղերը,
ծառերուն տակը:

Օր մըն ալ յանկարծ անհանգիստ տըղան ըսաւ իր բարի մօրը խանդակաթ.

— Ո՛չ, մայրիկ, կերթամ ես օտարութեան. «աշխարհիս միակ տեղ զէշ ու վատ՝ «այս մութ խըրճիթն է, «այս հին խըրճիթն է՝ «գետին եղերքը,
ծառերուն տակը:



«Թող, երթամ, շըրջիմ աշխարհէ աշխարհ, ճամբորդեմ՝ լաւ լաւ տեղեր տեսնելու, «ամէնէն լաւը ընտրեմ մեզ համար, գլամ քեզ ալ առնեմ ու փախչինք հեռու՝

«այս մութ խըրճիթէն,
«այս հին խըրճիթէն՝
«գետին եղերքը,
«ծառերուն տակը»:

Ու գընաց, անցաւ երկրիս հինգ մասեր,
տեսաւ շատ տուներ մեծ ու հոյակերտ,
բայց միշտ ամէն տեղ բան մը պակաս էր . . .
եւ հառաչելով վերադարձաւ ետ՝
այն մութ խըրճիթը,
այն հին խըրճիթը՝
գետին եղերքը,
ծառերուն տակը:

Մայրիկը հարցուց. «զաւակս, գլուա՞ր»,
աջը ձգելով իր տրզուն վրայ.
— Շրջեցայ, մայրիկ, աշխարհէ աշխարհ,
«բայց ամէնէն լաւ, բաղցը որ տուն կայ՝
«այս մութ խըրճիթն է,
«գետին եղերքը,
«ծառերուն տակը»:

1. Ի՞նու օտարութեան գնաց տղան:
2. Որո՞նք են աշխարհի հինգ մասերը:
3. Ի՞նչո՞ւ նորէն տղան ետ վերադարձաւ. ի՞նչ ըսաւ իր մօրը:
4. Ի՞նչ ըսել է հայրենական տուն:



ԱՇԿԵՐՏ ՄԱՐՏԻՐՈՍԸ

Աշկերտ Մարտիրոսը նստեր է վարպետին
դէմ, ու կը բանի:

Վարպետը հին կօշիկ մը տուեր. է իրեն՝ որ
կարկտնէ:

— Մարտիրոս, գամէ գամերը ու կարէ աս
ծակը. լաւ շինէ, տղաս, լաւ շինէ, որ ձեռքդ
աղէկ գործ հանել սորվի:

Մարտիրոսին վարպետը բարի մարդ է. խօսք
է տուեր որ՝ Զատկուայ համար, ձեռք մը նոր
լաթ պիտի առնէ իրեն, և զոյգ մըն ալ աղուոր
կօշիկ պիտի կարէ:

Ու Մարտիրոս, փոքր մուրճով, կը գամէ
գամերը, որպէս զի, յետոյ, հերիւնով ծակէ կա-
շին, ու ասեղով կարէ փրթած տեղերը:

Կը բանի ու կը մտածէ. «ահա Մեծ . Պահքին երկու շաբաթը ելաւ, մօտ է Միջինքը»:

«Խթման շաբաթը եկածին պէս, կանուխ կը հազնիմ նոր լաթերս. կը համբուրեմ մօրս ձեռքերը, ան ալ կը շնորհաւորէ զիս. «Չատ ապրիս, տղաս, մէկդ հին՝ հազարդ նոր ըլլայ» կըսէ, և կարմիր հաւկիթ կուտայ ինծի»:

«Հաւկիթները կը դնեմ գրպանս, կերթամ ժամուն բակը: Իրկուայ կոչնակը զարկաւ թէ չէ՝ կը մտնեմ եկեղեցի, կը կենամ դասը. Տէրտէրը որ «առէք, կերէք» ըսաւ, անմիջապէս դուրս կելեմ և հաւկիթը կը նետեմ բերանս ...»

Ու Մարտիրոս ուրախ է, կը գամէ գամերը, կը գամէ արագ արագ:

1. Ի՞նչ կը տեսնէք այս պատկերին մէջ:
2. Ի՞նչ կընէ վարպետը. Ի՞նչ կընէ աշկերտը:
3. Ի՞նչ կը տեսնէք ուրիշ խանութներու մէջ:



ԱԾՈՒԽ, ՀԱՆՔԱԾՈՒԽ

1

Քեռի Օհանը ածխագործ էր. Հայկ օր մը անոր հարցուց.

— Քեռի, դուք ի՞նչպէս կը շինէք ածուխը: Քեռի Օհան ինդաց:

— Քեզ օր մը անտառ տանեմ որ տեսնես, ըսաւ: Այ, այսպէս կը շինենք ածուխը. լսէ. անտառէն փայտ կը կտրենք. լետոյ, գետնին մէջ

խոշոր փոս մը կը բանանք. այդ փոսին մէջ կը շարենք կտրուած փայտերը, կրակ կը փակցնենք անոնց ու անմիջապէս կը ծածկենք հողով: Փայտերը կը վառին, կը վառին, կը դառնան ածուխ ...

— Ինչու հողով կը ծածկէք վառած փայտերը, քեռի:

— Է, եթէ չծածկենք, փայտերը վառելով, վառելով՝ մոխիր կը լան:

2

Հայկ շատ հետաքրքիր էր. քիչ մը մտմտաց ու նորէն հարցուց:

— Քեռի, ալ ուրիշ տեսակ ածուխ չի կայ:

— Կայ, ի՞նչպէս չէ, հանքածնւխը: Հանքածուխը մարդիկ չեն շիներ. անիկա հանք է և կը գտնուի գետնին տակ. ածխագործները կը փորեն գետինը, խորունկ հորեր կը բանան ու դուրս կը հանեն:

— Յետոյ, քեռի:

— Յետոյ, զործարաններուն մէջ կը մաքրեն, կը զտեն, ու կը ծախեն զանոնք: Մեծ մեքենաները, շոգեկառքը, շոգենաւը՝ հանքածուխի կրակով կը բանին: Վառարաններու մէջ ալ կը վառեն հանքածուխը:

— Հայաստանի մէջ հապա հանքածուխ ինչու չի կայ:

— Ինչպէս չի կայ. կայ, մինակ թէ գետնին տակն է, օր մը որ հանքեր բանան, կը հանեն ...

Եւ, քեռի Օհան խոստացաւ Հայելին, որ գալ
շաբթու զինը անտառ տանէ. տանէ որ աչքովը
տեսնէ թէ ինչպէս կը շինեն փայտէ ածուխը:

1. Կրակը ի՞նչ բաներու կը գործածենք:
2. Կրակէն զատ ալ ի՞նչ բան կայ որ տաքութիւն կուտայ:
3. Ի՞նչ պիտի պատահէր եթէ՝ մարդիկ կրակ չունենային: Հապա
արեւին տաքութիւնը ի՞նչ օգուտներ կուտայ:



ԳԱՐՈՒՆ

Ծաղկեր են կըրկին
անտառն ու այգին
կը ֆըշայ ուժգին
ջուրը գետակին:

Սիրուն թըռչուններ
համերգ են կազմեր.
արտէն ու դաշտէն
կերգեն, կը կանչեն:

Թիթեռներն ուրախ
կը թըռչին նորէն.
ճան, տեսքիդ մատաղ,
Գարուն է արդէն:



ՄՈՒԿԸ, ՃԱՅԵԿԸ ԵՒ ԲԱԶԻՆ

1

Մուկը օր մը մօտեցաւ ճայեկին ու ըսաւ.
— կնքամայր, կըսեն

թէ այս ծովուն մէջ կղզի
մը կայ, ուր խոտի տեղ
շաքարեղէգ կը բուսնի.
ճար մը ըլլար, հեղ մը երթայի՝ տեսնէի այդ
պատուական երկիրը...

— Եկնւր, երթանք միասին, ըսաւ ճայեկը:
— Գալս աղէկ, բայց ի՞նչպէս գամ, խանը՝ մ'
ճայ. դուն թև ունիս՝ կը լողաս, ես ի՞նչ ունիմ:
— Ես քեզ շալակս կառնեմ, ըսաւ ճայեկը:

Մուկը ցատկեց ճայեկին կոնակը, ոտքերը
տակը ծալեց, խածաւ անոր վիզին փետուրէն
և գոցեց աշքերը:

Ճայեկը սկսաւ լողալ:

2

Շատ գացին, քիչ գացին, հասան վերջապէս
շաքարեղէգի կղզին:

Մուկը իջաւ ճայեկին շալակէն, և ի՞նչ տես-
նայ աղէկ. երկիր մը որ, թըհնւ, աչքդ կտրածին
շափ նայիր, շաքարեղէգ, շաքարեղէգ, շաքա-
րեղէգ:

Մուկը աս որ տեսաւ, խելքը գլխէն գնաց.

ինկաւ շաքարեղէգներուն մէջ ու կորսուեցաւ։
Կրծեց հայ կրծեց, եօթն օրուան ուտելիք
մէկ ժումի մէջ փորը դրաւ։
Բայց մէյ մըն ալ աչքը բա-
ցաւ որ կնքամայրը չի կայ...
Ճայեկը հանգչեր էր բիշ
մը, նայեր էր չորս բոլորը,
յետոյ ջուրը մտեր, դարձեր
էր ծովը։



— Վհւյ, գալի՛քը զըլ-
խուս, ճշաց մուկը. ճայեկը
գնաց ու ես մնացի այս տե-
ղը. ինչպէս պիտի դառնամ
տունս. ոչ ճամբայ գիտեմ,
ոչ լողալ. առջեւս ջուր, ետեւս ջուր...»

3

Մուկը սկսաւ լալ ու հեծեծել։
Հոս վազեց, հոն վազեց՝ որ պիսուն ճար մը
գտնէ։

Տեսաւ ծովուն եղերքի ժայռերը. «անգամ
մը այդ բարձր ապառաժներուն վրայ ելլեմ,
տեսնեմ փրկութեան ճամբայ մը կը գտնեմ»,
ըսաւ ինքնիրեն։

Յատկեց, մազլցեցաւ, ելաւ ժայռերուն վը-
րայ. նայեցաւ մէյ մը կապոյտ երկինքին, մէյ մը
խորունկ ջուրերուն։ Զի կրնար թոշիլ, չի կրնար
լողալ. ի՞նչ ընէ։

Նորէն սկսաւ լալ։

Բազէ մը, որ թառեր էր մօտիկ բարերէն
մէկուն ծայրը, լսեց մկան լացը. զլուկը վեր
վերցուց և հարցուց։

— Ինչո՞ւ այդպէս կուլաս, աղա մուկ։

Մուկը պատմեց գրլ-
խուն եկածը։

— Ա՞տ է եղածը. մարդ
Աստծու, ատոր համար ալ
կուլա՞ն. ես քեզ կը տա-
նեմ քու երկիրդ. կառնեմ
թևերուս վրայ ու կը թըր-
չնք միասին։



— Բսածդ աղէկ, հեկեկաց մուկը, բայց դուն
շատ բարձրէն կը թոշիս, կը վախնամ որ խելքս
դառնայ ու վար իյնամ...»

— Զէ՛, խաթերդ համար, շատ բարձրէն չեմ
թոշիր, ըսաւ բազէն, ինդալով մուկին երկշո-
տութեան վրայ։

4

Մուկը կպաւ բազէին կոնակին ու ճամբայ
ելան։

Քիչ մը որ թուան, մկան վախը ելաւ։

Բայց ահա, ատեն ատեն, մուկը կը սկսի
հայ հայ, հի հի հի ինդալ։

— Ի՞նչ կայ, մուկ բարեկամ, ինչո՞ւ այդպէս
կը ինդաս, կը հարցնէ բազէն։

— Բան չի կայ. ալիքներուն պարելը որ կո-

տեսնեմ, խնդուքս կը բռնէ, կը պատասխանէ մուկը,

Քիչ մը կերթան թէ չէ, մուկը նորէն կը սկսի ըլքջալ:

Վերջապէս, կը մօտենան ցամաքին:

Բաղէն կիջնէ գետինը և կոնակէն վար կը դնէ մուկը:

— Բայց, մո'ւկ, կը հարցնէ նորէն բազէն, շի'տակն ըսէ՛, ինչո՞ւ այդքան կը խնդայիր ճամբան. ալիքներուն համար այդքան խնդուկ չէր ըլլար, ի՞նչ էր պատճառը:

— Շիտակը ըսէ՞մ, կը պատասխանէ մուկը, մանր աչքերը խաղցնելով. երբ որ ճաղատ գըլ-խուզ կը նայէի՛ խնդուկս չէի կրնար բռնել . . .

— Այդպէս, հա՞, անիծա՛ծ, կըսէ բազէն զայրացած. ես քեզի բարեփ ընեմ, որ դուն իմ վրա՞ս խնդաս . . .

Եւ գետնէն փայտի կտոր մը կառնէ ու ու կը նետէ մկան:

Մուկը կը փախի, բայց փայտի կտորը իր վրայ կը մնայ:

Ահա, այդ օրէն ասդին է որ՝ մկան պոչը երկայն է:



Հնակարկանը



ԿԱՐԻ ԿՈՂՈՎԻՆ ԲՆԱԿԻԶՆԵՐԸ

1

Օր մը, մայրիկիս կարի կողովին մէջ, կոկւ
կընէին մկրատը, ասեղը և դերձանը:

Դերձանը կըսէր մկրատին.

— Ինչքան ծանը ես, մկրատ եղբայր. քու
բեռիդ տակ կը տքամ ես. քիչ մը որ բարկանաս
սուր ակույիդ տակ կառնես զիս ու կը ծամես
Ո՛չ, դուն չար ես:

Ասեղը վեր թուաւ իր տեղէն, և բարակ ձայ-
նովը պոռաց.

— Շիտակ կըսէ իմ դերձան քուրիկս.
Դուն չար ես, մկրատ բարեկամ: Մենք կը շի-
նենք՝ դուն կը կտրես. մենք կը կարենք՝ դուն
կը քակես...

Մատնոցն ալ խօսքի մէջ մտաւ և վէճը շատ
մեծցաւ,



Մայրիկս վրայ եկաւ և ըսաւ անոնց.

«Չէ, զաւակներս, պարապ տեղը կը վիճիք-պարապ տեղը զիրար չէք հասկնար. Դուք բոլորը ալ բարի էք, դուք աշխատանք կը կատարէք»

«Եթէ մկրատը չըլար, ի՞նչպէս շապիկ պիտի շինէինք, ի՞նչպէս բաճկոն պիտի կարէինք, ի՞նչ-

պէս վերարկու պիտի պատրաստէինք»

«Մկրատը կը կտրէ, բայց լաւ բան կընէ»

Դուք բոլորդ ալ քոյր ու եղբայր էք իրարու»»

Կարի կողովին բնակիչները հասկցան իրենց սխալը, լոեցին և սկսան ուրախ-ուրախ աշխատիլ

1. Տանտիկինը ա'լ լ'ու գործիքներ ունի տանը պէտքերուն համարտ

2. Ի՞նչ գործիքներ ունին կօշկակարը, երկրագործը, հիւսնը, որման-դերը, երկաթագործը:

3. Կա՞յ արհեստաւոր մը որ գործիք չունենայ. ի՞նչո՞ւ:



ԶԱՏՐԿ

Վաղը կարմիր զատիկ է,
հազարէն մէկ հատիկ.
մեռնիմ նազով իր զալուն՝
որ կը բերէ մեզ գարուն:

Գոզը լեցուն կանաչ տերև,
հետն ալ ունի պայծառ արև.

մատա՛ղ իրեն կոխած ոտքին՝
որ կը բանայ ծաղիկ չորս դին:

Եկուր, Եկուր, մեր Զատիկ ճան,
մենք ամէնքս քեզի զուրպան.
Եկուր, հասիր մեր երթիքին,
վերջ տուր երկար այս մեծ պահքին:

Եկուր, բեր մեզ զառնուկ և ուլ,
կարմիր հաւկիթ՝ ծայրերը սուր.
զառնուկն առնենք դաշտը ելլենք,
ան խոտ ուտէ, հաւկիթն ալ մենք:



ԱՐՔԱՏ ՀԱՐՈՒՏԱԾ

1

Ժամանակին, կար ու չի կար, աղքատ մը
կար: Այս աղքատը, ամէն անգամ որ իրկունը իր
չոր անկողինը մտնէր,
կըսէր մտքէն.



— Ա՛խ, եթէ հարուստ
ըլլայի, ես ալ լաւ
կապրէի և ուրիշներուն
ալ բարիք կընէի:

Եւ ժամերով չէր կըր-
նար քնանալ. կը մըտ-
մտար թէ ի՞նչպէս
հարուստ ըլլայ ինք:

Օր մըն ալ երբ այս-
պէս կը մտածէր՝ յան-
կարծ, մութին մէջէն
ձայն մը լսեց.

— Ահա քեզի քսակ մը: Բայց, լսէ, հասարակ
քսակ մը չէ ասիկա. մէջը ոսկի մը կայ. երբ այդ
ոսկին առնես, տեղը իսկոյն ուրիշ ոսկի մը պիտի
գտնես: Ուզածիդ չափ առ, մի վախնար: Միայն,
տես, քսակը վերջէն գետը պէտք է ձգես. գետը
չձգած՝ հինգ փարա անգամ պիտի չծախսես, եթէ
ոչ՝ բոլոր ոսկիներդ փալասի կտոր կը դառնան...

Եւ, փա՛թ, աղքատին առջե քսակ մը ինկաւ:
Մարդը, ուրախութենէն, իննդի պէս ոտքի

ելաւ, առաւ քսակը, և հանեց մէջէն դեղին, կո-
րիկ, փայլուն ոսկի մը: Հանեց թէ չէ, տեսաւ որ
մէջը հատ մըն ալ կայ:

— Այս գիշեր, մինչև առտու, ոսկիները կը
դիզեմ և կըլլամ հարուստ. յետոյ, քսակը կը
տանեմ, գետը կը ձգեմ, և ուզածիս պէս երջա-
նիկ կապրիմ,— ըստ մեր աղքատը:

2

Մինչև լոյս, քսակէն հանեց ոսկիները. դի-
զեց հա դիզեց, և առտուն տեսաւ որ՝ իր սեն-
եակին մէջ խոշոր կոյտ մը ոսկի ունի:

Ելաւ որ քսակը տանէ գետը նետէ: Բայց,
յանկարծ, միտքը փոխեց.

— Ինչո՞ւ ալսքան շուտ տանեմ՝ գետը նե-
տեմ... չէ՛, դարձեալ այսպէս կոյտ մը դիզեմ՝
անկէ ետքը:

Եւ սկսաւ, արագ արագ, հանել ոսկիներն
ու դիզել:

Եղաւ իրիկուն, եղաւ գիշեր, ու աղքատը
տակաւին կը հանէր ոսկիները քսակէն: Գիշերը
հազիւ երկու ժամ աշքը գոցեց, առտուան լոյսը
ցաթելուն պէս՝ ցատկեց, ելաւ անկողինէն, և յա-
ջորդ օրն ալ սկսաւ նորէն դիզել ոսկիները:

Այսպէս, անցան օրեր, շաբաթներ, ամիսներ,
ամբողջ տարի մը: Կերթար, ողորմութիւն կուզէր,
չոր հաց կուտէր, ցնցոտիները չէր փոխեր և աղ-
քատ կը մնար. ի՞նչու, որովհետև իր ոսկիներէն
չէր կընար օգտուիլ՝ քսակը գետին մէջ նետած
չըլլալուն համար:

Հանգիստ չունէր՝ ո՛չ ցորեկը, ո՛չ գիշերը՝
Տանը դռները ամուր կը գոցէր, որպէսզի չըլլայ
թէ գողը զայ, ոսկիները տանէ։ Դուրս ելածին
պէս՝ դարձեալ շտապով տուն կը վագէր, կը նստէր
չոր գետնին վրայ, և շարունակ կը դիզէր ոսկիները։

3

Վերջապէս, օր մը մտածեց.

— Էհ, ա՛լ հերիք է։ ինծի պէս հարուստ չի
կայ այս աշխարհիս երեսը։ Երթամ, քսակը գե-
տը նետեմ։

Տունէն դուրս ելաւ, և շիտկուեցաւ դէպի գե-
տը։ Ճամբան պինդ կը սեղմէր քսակը զրպանին
մէջ, մատերը, յանկարծ, նորէն ոսկին դպան, և
իրեն այնպէս թուեցաւ թէ՝ այդ ոսկին մինչեւ
հիմա իր հանածներէն ամէնէն ծանրն ու
մեծարժէքն էր։

— Վերադառնամ տուն, այս մէկն ալ հա-
նեմ, յետոյ վազն ի վազ տանեմ, քսակը ձգեմ
գետը, — ըսաւ ինքն իրեն ու տուն դարձաւ։

Հանեց այդ մէկ ոսկին ալ, անկէ յետոյ
միւսն ալ, երրորդն ալ, ու մնաց այդ օրն ալ
տունը, յաջորդ օրն ալ, յաջորդ շաբաթն ալ . . .

Ագահը ծերացաւ, երեսը դեղնեցաւ իր ոս-
կին պէս, բայց երբեք չբաժնուեցաւ իր մոգա-
կան քսակէն։

Ու այդպէս ալ մեռաւ. աղքատ իր ոսկինե-
րուն մէջ, աղքատ խշտեակի մը վրայ, մուրաց-
կանի հագուստով. քսակը պինդ բռնած ձեռքը։



ԱԻԵՏԻՍ ԿՈՒՏԱՆ

1

— Եկա՛ւ, եկա՛ւ, կերպէ խայտիտը։

— Մհա կուգայ,

կը սուլէ կերնեխը։

— Մենք ենք որ

կը բերենք, կը ճշան

ծիծառները՝ իրենց

սուլ ձայնով. մենք

նախակարապետն

ենք անոր։

Ու բոլոր թըռ-

չունները, ցընծու-

թեամբ կեղանակեն.

— Կեցցէ, կեց-

ցէ գարունը։

Բայց, ժամանակ

կորսնցնելու չի գար. պէտք է լաւ տեղ որոշել.

շիւղ բերել, կաւ կրել և բոյն շինել։

Շինել կա՛մ երթիքին տակ, կա՛մ կանաչնե-

րու մէջ, կա՛մ ծառերու գագաթին վրայ։

Սա թաւ մացառին տակ։

Զէ, աս միւսը աւելի լաւ է,

Զապա սա խոշոր կնծնին։

Թէ, այս ուռիինվրայ աւելի յարմար է,



Եւ թոշունները ձայն կու տան ամէն կռղմէ:



զիրար կը կանչեն՝
ծառէն ու թուփէն։
Կր ճռուղեն, կը վի-
ճին, կը վիճին։ Դիւ-
րին բան է առւն շի-
նելը, պէտք է առա-
ջէն աղէկ խորհիլ, ա-
մէն յարմար ու ան-
յարմար բան նախա-
տեսել, որպէսզի ետ-
քէն չզղան։

Միայն, ծիծառնե-
րըն են որ վարանում
չունին. կը գանեն
իրենց հին բոյնե-
րը, կը վերանորոգեն,
նոր ցախ ու կա-
բերելով։

Բայց, թոշունները չեն միայն որ իրարան-
ցումի մէջ են։

Միջատներն ալ կարտորան և կաշխատին։
Մրջիւնն ու մեղուն գործի վրայ են. մըր-
ջիւնը կեր կը կրէ, մեղուն հիւթ կը ժողվէ։
Բազմերանդ թիթեռները թեռնին արեւուն
տակ կը բանան, ու կը թառին մէկ խոտէն միւսը։
Ծղրիթներն ու ճպունները կը ճրճուան, կայ-
ծոռիկները կը փայլին խոտին մէջ, կայծի պէս։

Ամէնքն ալ մեծ պատրաստութեան մէջ են՝
որ դիմաւորեն թանկագին հիւրը։

Հապա ծաղիկները։ Անոնք ալ նախշուն լա-
թեր են հագեր և կը ժպտին։

Մանուշակը կը բանայ իր կապոյտ աչուկը։
Ճերմակ զատկածաղիկը կը պահուըտի կա-
նաչ խոտերուն մէջ, և սպիտակ աստղի կը նմանի։

Ապրիմ-չապրիմները, իրենց գեղին կոճակով և
ճերմակ թերթուկներով, կօրօրուին, կօրօրուին։

Հապա հրանունկները, այնպէս վեր կը տրն-
կեն իրենց փայլուն գլուխները, որ կարծես մար-
գագետնին մէջ ցանուած ուկիէ կոճակներ են։

Ու ծաղիկները միաթերան կըսեն.

— Շնորհակալ ենք, շնորհակալ ենք, աղուորը
գարուն. Դուն որ եկար ձմեռը գնաց, ցուրտը
դադրեցաւ. ալ հիմա չենք մսիր, ալ հիմա չենք
դողար։ Արևուն տակ կը տաքնանք, սիւզին հետ
լլ խաղանք և կը ծծենք լոյսը։ Բարի եկար, հա-
զար բարի եկար, կենսաբեր գարուն։

1. Ո՞վ է այն հիւրը որուն համար թոշունները կը ւշուան թէ
«եկա՞ւ, եկա՞ւ»։

2. Գարնան առաջին օրերուն մէջ ի՞նչ կընեն թոշունները,
ի՞նչ կընեն միջատները, ի՞նչ կընեն ծաղիկները։



ԴԱՇՏԱՅԻՆ ԻՐԻԿՈՒԱՆ ԵՐԳ



Լուսնակն անուշ,
հովս անուշ,
շինականին
քունն անուշ՝
Ցաթեց լուսնակն
երկինքէն,
հովուի սրինգն էր
անուշ:
Հօտաղն եզներ
կարածէ,
մաճկալ պառկեր՝
քունն անուշ՝
Մեղմիկ քամին կը փըչէ,
ծովային հովս էր անուշ:
Դաշտեր, ձորեր մընջեր են.
Պլան ջրերու ձայնն անուշ,
Հաւեր թըռան իրենց բոյն,
սոխակին տաղն էր անուշ:
Անմահական հոտ կուտայ
քեաֆուր վարդին հոտն անուշ՝



ԱՆՁՐԵԻԻ ԿԱԹԻԼԸ

1

Գիշերը անձրև կուգար, բայց ահա գարնան
պայծառ առտուն կը լուսնայ:

Խոտերը լուացուեր, մաքրուեր են դաշտին
մէջ. երկինքը կապոյտ է, վրան ամպի փոշի մը
անգամ չի կայ:

Ճամբաները կը չորնան ու արուերուն նո-
րածիլ կանաչները կը պսպղան արևին տակ:

Առու մը կը հոսի դաշտին մէջէն՝ գլուալով
պլալով, և իր եզերքը մանուշակ մը կօրօրուի:

Մանուշակին մէկ թերթիկէն կախուած է
անձրւի կաթիլ մը՝ աղամանդի պէս յստակ:

Կօրօրուի կաթիլն ու կըսէ կապոյտ ծաղիկին.

— Սիրուն ծաղիկ, մի՛ օրօրեր գլուխդ, մի՛
բանար թարթիչներդ, քիչ մըն ալ սպասէ. ես
յոզնած եմ, թող որ քիչ մը հանգիստ առնեմ
ու ճամբաս շարունակեմ: Կուգեմ որ քիչ մը
հանգչիմ քու փափուկ պսակիդ վրայ:

— Շա՛տ լաւ, ազնիւ եղբայր, կըսէ մանու-
շակը: Բայց ուրկէ կու գաս որ այդքան յոզնած
ես. ուր կերթաս այդպէս աճապարանքով:

2

Անձրւին կաթիլը քիչ մը կը մտմտայ ու կըսէ.

— Ասկէ շատ շատ առաջ, ես կաթիլ մըն էի՛
այն կաթիլներուն պէս, որ կը գտնուին լիճին
ջուրերուն մէջ: Այդ լիճէն, ամէն օր, կաթիլները

կը շոգիանան ու երկինք կելլեն։ Կարգը եկաւ ինծի. ես ալ իմ ընկերներուս հետ բարձրացայ. բարձրացայ ու հովը քշեց զիս հետու երկիրներ։ Ընկերներէս շատերը միացան իրարու, եղան խոշոր ամպեր և գացին դէպի ուրիշ աշխարհներ։

«Ես դեռ երկինքին մէջ էի, տեսայ որ առուներէն, գետերէն, լիճերէն ու ծովերէն եկան հազարաւոր ուրիշ կաթիլներ ալ ու ինծի միացան։

«Մենք խոշորցանք, եղանք հսկայ ամպեր և ծածկեցինք երկինքին երեսը։ Այս գիշեր անձրեն դարձանք և վար իջանք. վար իջանք որ ջրենք բոյսերը և առատցնենք աղբիւրները։

— Ուր պիտի երթաս ուրեմն գուն հիմա, հարցուց մանուշակը դարձեալ։

— Հիմա ես պիտի կաթիմ գետինը, պիտի մտնեմ հողին տակ, և պիտի ջրեմ քու արմատներդ, աղուոր ծաղիկ։

Լոեց կաթիլը, անգամ մըն ալ օրօրուեցաւ, մնաս բարով ըսաւ և, ակնթարթի մը մէջ, անհետացաւ։

Մանուշակը իր թերթերը բացաւ և բարետաւ արեգակին տաքուկ ճառագայթներուն։

1. Ի՞՞չպէս կը կազմուին ամպերը. Ի՞նչ պատմեց կաթիլ։



ԱՐԱԳԻԼ

Այ արագիլ,
բարով եկար,
դուն արագիլ,
բարով եկար.
մեզի գարնան
նըշան բերիր,
մեր սրտիկը
զըուարթ ըրիր։

Այ արագիլ,
մեզի իջիր,
դուն արագիլ,
մեր տունն իջիր,
մեր ծառին քու
բոյնիկդ գիր,
վայ մեր սիրուն
դուն արագիլ։



Այս արագիլ, քեզ գանգատիմ,
այ արագիլ, քեզ գանգատիմ.
ես իմ բոլոր ցաւերս ըսեմ,
սըրտիս ցաւեր, հազար ցաւեր։

Մեր արագիլ, երբ դուն գացիր,
դուն մեր ծառէն երբ որ գացիր,
սաստիկ հովեր ցուրտ փըշեցին՝
ծաղիկներս իմ չորցուցին։

Պայծառ երկինքն էր մըթընտեր,
պայծառ արևն էր խաւարեր.
ճերմակ ձմեռն ելեր եկեր՝
մեր վըրայ ձիւն, ձիւն կը բըրդէր,

Վարագայ մեծ սարէն բըռնած,
մեր Վարագայ սարէն բըռնած,
ձիւնն էր իջեր, հողն էր ծածկեր,
կանաչ դաշտը քուն էր մըտեր :

Այ արագի՛լ, բարով եկար,
դուն արագի՛լ, բարով եկար.
մեզի գարնան նըշան բերիր,
մեր սրտին դուն արև բերիր :



ԹԱՂԱՐԻՍ ՄԷԶ

Թաղարիս մէջ գետնախնձոր մը տնկեցի :
Հիմա պիտի ելլէք վրաս խնդաք թէ՝ թաղա-
րին մէջ ալ մարդ գետնախնձոր կը տնկէ . թա-
ղարին մէջ, շատ շատ ծաղիկ կը ցանուի :

Էհ, եթէ կուղէր՝ խնդացէք. բայց գիտցէք
որ գետնախնձորն ալ սիրուն բոյն է և ժամա-
նակին, թագաւորին մէկը՝ իր լամբարին մէջ ա-
նոր ծաղիկները կանցնէր :

Տնկած բոյս աճեցաւ, և աշնան, թաղարիս
մէջէն տասներկու հատ խոշոր գետնախնձոր
հանեցի :

Հողը չպարպեցի թաղարին մէջէն, և միւս
տարին, նորէն գետնախնձոր մը տնկեցի անոր
մէջ: Բայց, այս անգամ, տունկս չաճեցաւ, գեղ-
նեցաւ և վերջը վերջը չորցաւ:

Ինչու այդպէս եղաւ:

Պիտի ըսէք որ հողը ալ մնունդ չունէր իր
մէջ. շատ լաւ, բայց ճիշտ նոյն հողին մէջ ցորեն
ցանեցի. և ցորենները լաւ աճեցան ու քիստեր
կապեցին :

Նոյն հողը որ գետնախնձորիս համար մնունդ
չտուաւ, ընդհակառակը, ցորենիս համար տուաւ:

Ես ալ ասոր պատճառը չէի գիտեր: Գացի,
փորձառու հողագործի մը հարցուցի:

Հողագործը պատասխանեց ինձի.

— «Հողին մէջ երբ միշտ նոյն բոյսը ցա-
նես, շուտով կը յոգնի և ալ մնունդ չի տար.
ասոր համար, պէտք չէ որ նոյն հողին մէջ, վը-
րայէ վրայ, միևնոյն բոյսը ցանուի:»

Խելացի հողագործները արտի մը մէջ երբ
ցորեն ցանած են, յետոյ գետնախնձոր կը տըն-
կեն, յետոյ վարսակ կամ վարի կը ցանեն»:

Գիտէի՞ք այս բանը: Գոնէ ես չէի գիտեր:





ԺԱՆՏԱԽՏԸ

1

Գաղաններուն մէջ ժանտախտ էր,
չի մեռնիլը շատ մեծ բախտ էր:
Ճրգնաժամ էր օրհասական,
ուստի պոռաց Առիւծ արքան.
— «Կենդանիներ ինչքան որ կան,
«թող հաւաքուին, զահիս մօտ զան.
«ըսենք, խօսինք, զիրար լըսենք,
«ջարդըուեցանք, ճար մը գըտնենք»:
Է, արքայի հրաման էր,
ժանտախտի պէս բան մ'ալ ան էր:

սարսուռ ինկաւ դաշտ ու անտառ,
կենդանիներ լեղապատառ
եւ շընչասպառ ու վազնէվազ,
մեծ ու փոքր, բազմատարազ՝
արջ ու յովազ, վագր ու վարազ,
շար բորենի, աղուէս ու գայլ,
մեր էջն անգամ վըսեմափայլ
եկան կեցան առիւծին դէմ:



2

Արքան գոչեց. «Ես ձեզ հետ եմ,
«մե՛ծ իշխաններ, ես լաւ գիտեմ
«որ ձեր սըրտէն արիւն կերթայ:
«Եթէ բանը այսպէս մընայ,
«այս ժանտախտին ակա՞նջը խուլ,
«ամբողջ ցեղով մենք կերթանք կուլ:
«Եղբայրներս լուռ ու տըրտում,
«որ մեղքն է որ այսքան ցասում
«Տէրն է ճամբեր մեր խեղճ ցեղին,

«մեղաւորին թէ անմեղին:
 «Աշխարհք բըռնեց ցեղիս լացը,
 «մէկտեղ կայրին չորն ու թացը:
 «Եկէ՛ք, խնդրեմ, անկեղծօրէ՛ն
 «փոստովանինք, որս անօրէն
 «բան ենք բըռներ, մեծ մեղք գործեր
 «որ վերն Աստուած է բարկացեր:
 «Հէնց ես որ ձեր գըլխաւորն եմ,
 «ձեր ամէնէն մեղաւորն եմ.
 «Քանի անմեղ գառ ու ոչխար
 «ուղարկեր եմ իմ մութ աշխարհ,
 «Եւ հովիւն ալ լեղապատառ
 «գեռ ըրած եմ երկու պատառ:
 «Աս իմ մեղքս է, չեմ ծածկեր ես,
 «որ բերեր է ցասում այսպէս»:



3

Մեղքերն ըսին արջ ու յովազ,
 Զար բորենին, վագր ու վարազ,
 Եւ շուն ու գայլ
 ու այլ և այլ:

Վերջն ալ էշը վըսեմափայլ
 ըսաւ. «Ա՛ս է իմ մէկ մեղքս.
 «արտին մօտէն անցած տեղս,
 «աչքս ելլէր, ախ, այն տարին
 «զարկի բերան մը գարիին»:

Մեր աղուէսը լըսեց, լըսեց,
 մէյ մ'ալ յանկարծ տեղէն ցատկեց,
 ձեւ մը առաւ այնպէս արդար,
 ու ճառ մ'ըսաւ այնպէս ճարտար՝
 որ յիշուելով միշտ անդադար
 պիտի յիշուի ան դարէ դար.

— «Տեսէք, ըսաւ, Սուլթան ու Խան,
 «Ես ձեր յետին, խոնարհ ծառան,
 «Ես ամէնէն մեղաւոր եմ,
 «արքայութիւնն ուր որոնեմ»:

«Մեր արքան վէս,
 «մեր արքան հեզ,

«յայտնեց բոլոր մեղքերը մեզ.
 «սակայն, խղճով եկէք դատենք,
 «մեղքը վարձքէն խելքով զատենք»:

«Ըլլայ արքայ,
 «սոված ման գայ,
 «չուտէ՞ ոչխար.
 «կիմը, աշխարհ . . .
 «ոչ, մե՛ծ արքայ,
 «ինչ ոչխար կայ»

«Տէրն է տըռւեր քեզ փայ-բաժին-
«ևս ի՞նչ ըսեմ այս ախմախին,
«այս անտաշին,
«կոպիտ էշին
«որ արտն ուտէ անցած ատեն
«ու չը զատէ մեղքը վարձքէն՝
«բերելով մեր ցեղին գլխուն
«ցաւ, պատուհաս ու կարմիր ձիւն:
«Զէ, պէտք է էշն իր յանցանքին
«պատիմն առնէ կըրկին կըրկին»:

Գազանները ոտքի ելան,
յարձակեցան իշուն վրան՝
տուր որ կուտաս, մէջքին կողին,
անոր լաւ ծեծ մը քաշեցին,

կերած գարին
բթէն բերին,

- Պատմեցէք այս պատմութիւնը:
- Իչո՞ւ բոլոր յանցանքը իշուն վրայ ձգեցին:
- Մինակ էշն էր յանցաւորը:
- Համեմատեցէք էշն ու աղուէսը իրարու հետ:



ՄՐՁԻՒՆՆԵՐՈՒՆ ԲՈՅՆԸ

Նայեցէք, նայեցէք. կերթան, կու գան, նորէն կանցնին, նորէն կը դառնան. մրջիւնները, մրջիւնները:

Մէկը ցորենի հատիկ մը կը քաշէ ետեւէն,
ուրիշ մը փշրանք
մը շալկեր է. աս
միւսն ալ իրմէ երկու
անգամ խոշոր շիւղի
մը լծուեր է:

Այդ բոլորը կը
կըեն դէպի բոյնը:

Ահա իրենց բոյնն ալ, որ ծակեր են պատին տակ. կը մտնեն, կելլեն հարիւրներով, և շարոց-շարոց կերթան՝ բարիք բերելու անդնւլ, անդադար:

Մրջիւններն ալ մեղուներուն պէս են: Կապըին միասին՝ հարիւրներով ու հազարներով: Մէկտեղ կը շինեն իրենց բոյնը, մէկտեղ կաշխատին և մէկտեղ կը պահեն իրենց կեանքը:

Ոմանք ուտելիք բերելու կերթան. ուրիշներ բոյնին մէջ կը կենան և հաւկիթներուն խնամք կը տանեն, որպէս զի նոր ձագեր ելլեն:

Ունին կարգ կանոն, և ամէնքն ալ կը հնագանդին իրենց դրած օրէնքներուն, դիտեն թէ,



առանց կարգ ու կանոնի, չեն կրնար ոչ իրարու օգնել, ոչ ալ՝ միասին ապրիլ:

Մեղուներուն և մրջիւններուն պէս աշխատասէր կենդանի քիչ կայ:

Շատեր կըսեն թէ մրջիւնները պարէն կը հաւաքեն, որ ձմեռը ուտեն:

Սխալ է այս կարծիքը:

Մրջիւնները կը թմրին, կը քնանան բոլոր ձմեռը, հետեւաբար բան չեն կրնար ուտել:


Մրջիւնները լեզու չունին, բայց իրարու հետ կրնան խօսիլ: Իրենց բողկուկները իրարու կը քսեն, և, այդպէս, իրենց միտքը մէկմէկու կը հասկցնեն:

Մեր երկրին մրջիւնները փոքր են. բայց տաք երկրներու, օրինակի համար Ափրիկէի մէջ, կան շատ խոշորները:

Տեսակ մը մրջիւն ալ կայ, որ թունաւոր է. Վայրենիները կը բռնեն այդ մրջիւնը, կը չորցընեն, փոշի կընեն և իրենց նետերուն ծայրը կը քսեն. Երբ այդ նետով մէկը վիրաւորեն, այլեւս չազատիր ու կը մեռնի:

1. Մրջիւնի բոյն տեսա՞ծ էք:

2. Մրջիւնները երարու հետ ինչպէս կը խօսին:



ԵՐԿՈՒ ՄԱՆՈՒԿՆԵՐ

1

Տիգրան Վարդանեան հպարտ է, որովհետեւ եր հայրը վաճառական է: Իր հօրը անունն է Վարդան Էֆէնտի:

Վարդան Էֆէնտի գեղեցիկ, մաքուր զգեստներ կը հազնի, ձնրմակ օձիք կը դնէ և մետաքսէ փողկապ կը կապէ:

Տիգրանին ընկերն է Մարտիրոսը:

Մարտիրոսին հայրը գեղեցիկ լաթեր չի հագնիր և մետաքսէ փողկապ չի դներ. անոր ձեռքերը միշտ սև են:

Մարտիրոսին հայրը երկաթագործ է:

Տիգրան, անցած օր, վէճ ունեցաւ Մարտիրոսին հետ, և բարկանալով պոռաց անոր երեսին. — «Քու հայրդ անօթիին մէկն է»:

2

Մարտիրոսին սիրտը շատ ցաւեցաւ. աշքերուն մէջ արցունքներ լեցուեցան, բայց զսպեց ինքինք և չը նախատեց իր ընկերը,

Երբ իրիկուն եղաւ, Մարտիրոս, լալով, իր հայրիկին զանգատեցաւ Տիգրանին ըսածը:

Միւս օր, Մարտիրոսին հայրը, իր տղուն հետ, ուսուցչին քով եկաւ, և զանգատեցաւ Տիգրան Վարդանեանի վրայ:

Այն ատեն, Տիգրանին հայրն ալ, դպրոց կը
բերէր իր տղան։ Լսեց որ երկաթագործը իր ա-
նունը կու տար, ուսուցչին հետ խօսելով։ Մօ-
տեցաւ անոնց և հարցուց թէ ինչ է պատահեր։

— Գիտէք, Վարդան Էֆէնտի, այս արհես-
տաւորը եկած է գանգատելու Տիգրանին վրայ։
Տիգրանը անոր տղուն ըսած է թէ «քու հայրդ
անօթիին մէկն է»։

2

Վարդան Էֆէնտի յօնքերը կախեց և հար-
ցուց Տիգրանին։

— Ճի՞շտ է որ այդպիսի խօսք մը ըսիր։
Տիգրան գետինը կը նայէր և չէր պատաս-
խաներ։

Այն ատեն, հայրը բռնեց անոր թևէն, քաշեց
Մարտիրոսին քով և ըսաւ։

— Ներողութիւն խնդրէ Մարտիրոսէն։
Երկաթագործը ուզեց որ Վարդան Էֆէնտին
ներէ Տիգրանին։ բայց Վարդան Էֆէնտին ըսաւ,
«նշ, ոչ, թողէք», և դարձեալ հրամայեց իր տղուն։

— Ներողութիւն խնդրէ։ Կրկնէ այսպէս,—
«Ներողութիւն կը խնդրեմ, Մարտիրոս, իմ ըսած
անվայել խօսքիս համար։ քու հայրդ այնքան
ազնիւ մէկն է՝ որ իմ հայրիկս պատիւ կը սեպէ
անոր ձեռքը սեղմեր»։

Տիգրան՝ ամօթահար, կրկնեց իր հօրը ըսած
խօսքերը ցած ձայնով։

— Ներողութիւն կը խնդրեմ, Մարտիրոս...
իմ ըսած ... անվայել ... խօսքիս համար ... քու
հայրդ այնքան ազնիւ մէկն է ... որ իմ հայրիկս
... պատիւ կը սեպէ ... անոր ձեռքը սեղմել ...

Այն ատեն, Վարդան Էֆէնտի բռնեց եր-
կաթագործին խոշոր ձեռքը և սեղմեց։

— Կը խնդրեմ, — Վարդան Էֆէնտին ըսաւ՝
ուսուցչին դառնալով, Տիգրանը ասկէ ետք նստե-
ցուցէք Մարտիրոսին հետ՝ մէկ գրասեղանի վրայ։

Ուսուցիչը նստեցուց Տիգրանն ու Մարտի-
րոսը մէկ գրասեղանի վրայ։

Վարդան Էֆէնտի մնաս բարով ըսաւ և
մեկնեցաւ։

Երկաթագործը կեցաւ տակաւին մէկ քանի
վայրկեան։ տեսաւ թէ ի՞նչպէս երկու մանուկ-
ները նստեցան քով քովի, մոռցան ամէն բան և
սրտով երկու եղբայրներ եղան։

Յետոյ, մօտեցաւ Տիգրանին և իր խոշոր,
հաստ ձեռքերովը շոյեց անոր գլուխը, ու ինք
ալ մեկնեցաւ։

Կը խնդրենք ուսուցչէն ընդլայնել այս դաւը խօսակցութեամբ
և տպաւորել գասին ոգին տղոց մտքին մէջ։





ԱՇԽԱՏԱՆՔԻ ԵՂԲԱՅՐԸ

Եկուր, երթանք, իմ եզ ճան,
համ վար ընենք, համ ալ ցան.
աշխատանքի' օրերը
ահա եկան, մօտեցան :

Գութանը դուն կը քաշես
ու մածկալդ ալ կըլլամ ես.
ամառ, աշուն թէ ձմեռ,
այս արօն է պահեր մեզ :

Եկուր, երթանք, վար ընենք,
համ վար ընենք, համ ցանենք,
առատ քըրտինք թափելով՝
մեր ցաւերուն ճար ընենք :

Դուն լաւ գիտես թէ, եզ ճան,
ոչ խոտ ունիս, ոչ դարման,
ոչ ալ մեր տան քիւլիթը
չոր հաց ունի առտուան :

Ամբարները դատարկ են,
ոչ գարի կայ, ոչ ցորե'ն:
քաշելով մեծ նեղութիւն,
պահեր եմ. այս սերմնցուն :

Եկուր, երթանք, աղբար ճան,
համ վար ընենք, համ ալ ցան.
պարապ-սարապ կենալէն
ձեռքս ու ոտքս թուլացան



ԵՂԱՍԱ ՄՈՐՔՈՅԹԻՆ ԼԱՊՏԵՐԸ

1

Եղսա մօրքոյր մինակ էր մնացեր աշխարհին
մէջ։ Ունէր չունէր,
աղքատիկ տնակ մը
ունէր,

Դիշեր մը, բա-
մին կոռնար և ա-
լիքները կը բաղիւ-
ւէին մօտակայ ժայ-
ռերուն. Եղսա մօր-
քոյր իր իւր կը
դարձնէր և կը խոր-
նէր.

— Մէկը չունիմ
որ իմ վրաս մտածէ.
մէկը չի կայ՝ որուն
վրայ ես մտածեմ...
վայ մնաւորին գրւ-
խուն։

Եւ ահա, նորէն լսեց ալիքներուն աղմուկը,
— Տէր Աստուած, մտածեց Եղսա մօրքոյր.
հիմա քանի քանի նաւեր պիտի խորտակուին
մեր տունէն քիչ մը անդին, ծովուն մէջ։ Եթէ
փարոս մը ըլլար այս գիւղին մէջ միշտ լոյս
կու տար նաւերուն և կը փրկէր զանոնք վտանգ-
ներէ . . .

2

Ինչ լաւ բան պիտի ըլլար, եթէ Եղսա մօր-
քոյր ամէն գիշեր լապտեր մը վառէր, իր պատու-
հանին մէջ դնէր, և լոյս տար նաւորդներուն։

Ճրագը շատ աղէկ, բայց Եղսա մօրքոյր աղ-
քատ է, ուրկէ գտնէ լապտերի դրամ, ուրկէ
գտնէ աւելորդ քարիւղի դրամ։

Մտածեց, տեսաւ որ, եթէ ամէն գիշեր ժամ
մը աւելի աշխատի՝ թէ լապտերը պիտի գնէ, թէ
ամէն օրուան քարիւղը։

Աշխատեցաւ, այսպէս, շաբաթ մը, և գնեց լապ-
տերը. վառեց զայն և դրաւ իր պատուհանին մէջ։

Անկէ ետք, ամէն գիշեր, կը մթնէր թէ չէ,
Եղսա մօրքոյրին տնակէն կը պլազար լոյսը. կը
պլազար և ճամբայ ցոյց կուտար նաւորդներուն։

3

— Որո՞ւ համար կը վառես այդ լապտերդ,
Եղսա՝ մօրքոյր, կը հարցնէին գեղացիները. ով
ունիս որ պիտի գայ . . .

Եւ Եղսա մօրքոյր, բարի ժպիտով, ցոյց կու-
տար լայնարձակ ծովը, ու կըսէր.

— Լոյս կու տամ իմ եղբայրներուս, իմ
զաւակներուս . . .

Եւ իրաւ, երբ մըրիկը կը ծառացնէր ալիք-
ները և նաւը կը հանէր մէկ վեր ու կը ձգէր
մէկ վար, նաւուղիղը կը տեսնէր հեռուն պըլ-
պըլացող լոյսը, և կը պոռար նաւաստիներուն։

— Նայեցէք հեռուն, Եղսա մօրքոյրին ճրագը
կը վառի գիշյա, այս տեղ ժայռեր կան . . .

4

Շատ ասարիներ վառեցաւ Եղսա մօրքոյրին
լապտերը այն տեղ:

Բայց Եղսա մօրքոյր կը ծերանար. օրէ օր
աւելի կը ծոէր անոր մէջքը, աւելի ու աւելի
վար կը կախուէր անոր ճերմկած զուխը. կը
դողային չորցած ձեռքերը, բայց լապտերը կը
վառէր միշտ ու շարունակ լոյս կուտար:

Գեղացիները երբ առտու մը արթնցան, տե-
սան որ Եղսա մօրքոյր մեռեր է: Գեղ մը գեղով
հաւաքուեցան ու թաղեցին զինք:

Երբ հողը լեցուցին անոր վրայ և գերեզմանը
բարով ծածկուեցաւ, Քահանան ըստաւ.

— Մնա՞ս բարով, Եղսա մօրքոյր. բայց, ալ
ով պիտի վառէ քու լապտերդ, ալ որո՞ւն ճրագը
լոյս պիտի տայ նաւորդներու ճամբուն:

Այն ատեն, զեղացիները պուացին.

— Մեր, տէր-հայր, մեր ճրագը:

5

Մինչև այսօր ալ, այն գիւղին մէջ, մէկ բլու-
րին զագաթին վրայ՝ կը վառի լապտերը, Եղսա'
մօրքոյրին լապտերը, և կը յուսաւորէ խաւարը:
Մինչև այսօր ալ նաւորդը հեռուէն տեսնե-
լով լապտերին լոյսը՝ կը կանչէ.

— Տեսէք, Եղսա մօրքոյրին ճրագը կը վառի
հոն. զգնյշ, ժայռեր կան այստեղ:

1. Որո՞ւ համար է որ Եղսա մօրքոյր կ'ըսէր. «Հոյս կուտամ իմ
եղբայրներուս, իմ զաւակներուս». ՀՀ որ ինք ոչ եղբայր
ունէր, ոչ զաւակ:



| | | | |
|-----------------------------------|----|----------------------------------|-----|
| 1. Ամառը գնաց | 5 | 31. Ոսկեին կարասը | 61 |
| 2. Մարդը ի՞նչ շինեց | 6 | 32. Քամին ու մարագը | 64 |
| 3. Մամային ցորենը. | 7 | 33. Ո՞վ կը շինէ մեղը | 65 |
| .. Հըմմա կերանք. | 9 | 34. Այո եւ ոչ | 66 |
| 5. Զուրին երգը | 10 | 35. Կոյրերու կարծիքը | 68 |
| 6. Տունը ո՞վ կը շինէ | 11 | 36. Կաղանդին օրը | 70 |
| 7. Սկիւը | 14 | 37. Յորենի հատիկը | 73 |
| 8. Զաղաց | 15 | 38. ի՞նչ կայ, ի՞նչ կայ | 75 |
| 9. ի՞նչ ըստւ: ի՞նչ լսեց | 17 | 39. Հեղեղը | 81 |
| 10. Մայրիկս առողջացաւ. | 17 | 40. Մանուկն ու ջուրը | 82 |
| 11. Գեղացին ու լումայափոխը . | 19 | 41. Առաջին ձիւնծաղիկները. . | 88 |
| 12. Փեսացու մուկը | 20 | 42. Չուկերը եւ թուչունները . | 85 |
| 13. Էշը | 21 | 43. Հայրենական տուն | 87 |
| 14. Վա՛ղը, վա՛ղը | 23 | 44. Աշկերտ Մարտիրոս | 89 |
| 15. Ոզնին | 25 | 45. Ածուխ, հանքածուխ. | 90 |
| 16. Աղբերը | 27 | 46. Գարուն | 92 |
| 17. Լոէ՛, պղտիկ աղջիկ | 28 | 47. Մուկը, ճայեկը եւ բազէն . | 93 |
| 18. Մեր սեւ կատուն. | 30 | 48. Կարի կողովին բնակիչները. . | 97 |
| 19. Զին ու գուռակը. | 31 | 49. Զատիկ | 98 |
| 20. Ծուռ-դդումը | 33 | 50. Աղքատ հարուստը | 100 |
| 21. Անմեղներու կոտորածը. . | 36 | 51. Աւետիս կուտան. | 103 |
| 22. Աղը | 38 | 52. Դաշտային իրիկուտան երգ. . | 106 |
| 23. Թութակը | 40 | 53. Անձրեւի կաթիւը | 107 |
| 24. Զարմանալի կենդանին | 43 | 54. Արագիւ | 109 |
| 25. Կապիկին արձանը. | 45 | 55. Թաղարիս մէջ | 110 |
| 26. Ճայեկն ու տատրակը | 47 | 56. Ժանտախտը | 112 |
| 27. Կողսուած զմելին. | 48 | 57. Մրջիւններուն բոյնը | 117 |
| 28. Հրաշալի հատիկը | 50 | 58. Երկու մանուկներ | 119 |
| 29. Զին | 53 | 59. Աշխատանքի եղբայրը | 122 |
| 30. Մկան մահը. | 56 | 60. Եղսա մօրքոյրին լապտերը | 124 |

ԳԻՆ 25 ՂՐԱԿ

ՄԱՍՈՒԼԻ ՏԱԿ Է

ՄԵՂՐԱԳԵՏ Տարրական Ընթացք Բ. Տարի

ՅԱԶՈՐԴԱԾՎՈՐ ԼՈՅԱ ԳՐՑԻ ՏԵՍԱՆ

ՄԵՂՐԱԳԵՏ Միջին Ընթացք Ա. Տարի

ՄԵՂՐԱԳԵՏ " " " Բ.

ՄԵՂՐԱԳԵՏ Ե. Տարի (Եպիսակուրամասներու վերի հետո կառագիտութեան համար)

ՄԵՂՐԱԳԵՏ Զ. " (Եպիսակուրամասներու բազուցից բարձր կարգերու և երկրորդական վարչական վարչական յանուկ)



ՀԱՅԱՍՏԱՆ

«ԱՐԺԻԽ» ԺՈՂ. ԳՐԱՎԱԶԱՐԱՐԱՆՈՅ

Բերա, Գաղպիսը Փողոց, թիւ 37, Ա. յարկ
«Ազատամաս» ի շենքին մէջ

ՀՀ Ազգային գրադարան



NL0240276

8370